

SIGNATUUR MICROVORM :

SHELF NUMBER MICROFORM :

M SINO 0022 dl 8

BIBLIOGRAFISCH VERSLAG: *BIBLIOGRAPHIC RECORD:*

MOEDERNEGATIEF OPSLAGNUMMER:
MASTER NEGATIVE STORAGE NUMBER: MM69C-100168

KITLV/Royal Netherlands Institute of Southeast Asian and Caribbean Studies

Graaf de Monte-Cristo / karangannja Alexander Dumas ; tjeritaken dalam bah.
Melaroe rendah dengan menoeroet dijalan jang gampang. - Batavia : Karsseboom &
Co, 1894-1899. - 25 dl. (1183 p.) ; 16 cm
Vanaf bag. 11 uitg. door Albrecht & Co

AUTEUR(S)

Alexandre Dumas pseud. van Davy de la Pailletterie

Exemplaargegevens:

Aanw.: Bag. 1-25. - Bag 1-10 niet uitleenbaar

Sign. van origineel:
Shelfnr. of original copy:
M hh 0204

Sign. van microform:
Shelfnr. of microform:
M SINO 0022 dl 8

Filmformaat / *Size of film* : HDP / [REDACTED] 16 / [REDACTED] mm
Beeld plaatsing / *Image placement* : COMIC / IIB
Reductie moederfilm / *Reduction Master film* : 15 : 1
Jaar van verfilming / *Filmed in* : 2004
Verfilmd door bedrijf / *Filmed by* : Karmac Microfilm Systems

hh
204

WAFAF DE MONTE-CRISTO

KARANGANNJA

Alexander Dumas

DITJERITAKEN DALAM BAHASA MELAJOE
RENDAH DENGAN MENOEROET
DJALAN JANG GAMPANG

BAGIAN

8.

BATAVIA.
KARSSEBOOM & Co.
1895.

BIBLIOTHEEK KITLV



0161 7610

155001086

hh.
204.

XXXVII.

PERTEMOEAN.

Maksoednja Franz dan Albert itoe berkandaran, aken melihat soewatoe astana amat besar jang soedah toewa sekali dan tiada diisiun. hingga ada djoega bagian-bagianja jang telah djadi roesak. Astana itoe diseboet Coliseum.

Salagi ada di djalan, Franz beringat pada segala hal jang ia telah dapati di poelo Monte-Cristo; ia beringat sama perkara itoe, oleh kerna di dalam tjeritanja Pastrini jang toetoerken hikajat Luigi Vampa, ada terseboet djoega namanja Simbad orang pelajaran. Tapi sigralah djoega Franz itoe soedah sampe ka depan itoe Coliseum; kareta poen diberentiken di sitoe

Satoe pengoendjoek djalan jang memang ada sedia di tampat itoe, datang mengamperi dengan membawa api, boewat menerangi dan antar orang-orang jang maoe lihat astana itoe di waktoe malam. Maskipoen Franz dan Albert ada membawa satoe pengoendjoek djalan, ia-orang tiada tampik itoe pengoendjoek jang memang sedia di astana itoe; sekali poen ia-orang maoe tampik, adalah soesahnja djoega, kerna lain dari pengoendjoek

jang memang ada di sitoe, tida saorang boleh djalan koeliling dengan membawa api di dalam itoe astana. Boelan ada menerangi, tapi sinarnja tiada masoek ka dalam segala bagiannja astana.

Franz soedah sering beridar-idar di astana itoe; maka sasoedah toeroet djalan sedikit, ia biarken sadja Albert diantar djalan koeliling oleh pengendoek djalan, dan ia sendiri pergi berdoedoek di tampat goeram di bawah satoe pilar besar, jang ada dekat pada satoe pelataran. Sedang doedoek di sitoe sendiri-dirinya, ia dapat dengar boeninja satoe batoe ketjil jang tergoeling-goeling dari atas tengga ka bawah, laloe ia dengar boenji kakinja orang jang djalan medatangi. Siga djoega ia dapat lihat saorang lelaki di sinarnja boelan, sedang orang ini tida melihat kapadanja. Boleh djadi djoega orang ini saorang asing jang djalan-djalan aken lihat kaädaännya itoe astana jang termashoer; tapi dari sebab ia berdjalan dengan perlahan sekali, dan lakoenna ada kalihatan seperti orang memasang koeping, maka Franz jang melihat padanja itoe, lantas djadi mendoega, bahowea dia itoe telah datang ka itoe astana dengan bermaksoed lain. Dengan tida ada niatan lebih doeloe dan dengan tida taoe apa sebabnja, Franz itoe mengisar dengan sigra, hingga badannja djadi terlindoeng dengan itoe pilar besar.

Pada satoe tembok di pinggiran itoe pelataran jang berdekat pada itoe pilar, ada toemboe lebat

saroepa tanaman matjam ojot jang merambat di itoe tembok toewa, dan itoe orang asing jang baroe kalihatan oleh Franz, berdiri di dekat pelataran itoe dan memaudang ka langit jang tertaboer bin-tang. Moekanja orang ini tida kalihatan tegas oleh Franz, tapi pakeannja ada kalihatan njata. Menoeroet kaädaännya pakean itoe, Franz ada mendoega, bahowea djikaloe orang asing itoe tida teritoeng pada pembesar, tantoelah ia teritoeng djoega pada orang orang bangsawan.

Belon lama ia berdiri di sitoe, orang asing itoe soedah moelai berlakoe seperti orang merasa kesal sekali, aken tetapi sigralah djoega ada kadangeran boeninja daon-daon terkisar-kisar di atas tembok, dan di itoe waktoe djoega adalah kalihatan saorang lelaki di atas tembok itoe. Orang ini melihat-lihat ka bawah, laloe memegang pada ojot dan menoeroenken dirinja dengan melangsoer di tanaman itoe. Ia ada berpake seperti orang Transtevero, dan satelah sampe di bawah, ia berkata pada itoe orang asing jang berdiri di tepi pelataran:

”Brilah maaf padakoe, Toewan besar, kaloe toewan soedah kena menanti lama di sini, tapi saja melinken kabelakangan bebraja minut sadja, kerna baroesan itoe lontjeng di geredja baroe mengoetarakken poekoel sapoeloeh,”

”Boekan kaoe kabelakangan, hanja akoe soedah datang terlaloe siang ka sini,” sahoet si orang asing: ”lain dari bagitoe, kaloe kaoe soedah biar-

ken akoe menoenggoe lama di sini, tantoelah djoga boekan dengan kahendakmoe sendiri, hanja ada halangan aken kaoe datang lebih siang."

»Benar sekali kata toewankoe," kata poela itoe orang Transtevero: »Saja datang dari Engelenburgt, dan telan dapat banjak sekali soesah aken dapat bitjara sama si Beppo."

»Siapa si Beppo?" kata itoe orang asing.

— »Satoe pegawe di dalam roemah pendjara, jang saja bri gadji tahonan, soepaja saja boleh dapat taoe apa jang djadi di astananja Paus."

— »Njatalah kaoe ini saorang jang amat teritip."

— »Sebab perlөe, Toewankoe! kerna siapalah tace, kaloe di lain hari saja djoega tertangkap seperti itoe Peppino dan perlөe toeloengannja orang."

— »Apatah jang kaoe telah dapat tengar."

— »Di hari Slasa, poek'el doewa, nanti ada doewa orang menjalankan h'ekoeman mati, seperti biasanya di ini kota Rome pada tiap kali ampir datang hari raja. Satoe dari doewa orang jang aken terhoekoem itoe, saorang doerhaka jang telah boenoeh satoe pandita, sedang pandita itoe telah palibraken dia pada temponja masih ketjil; orang hoekoeman jang satoe lagi jaitoelah Peppino."

— »Bagimanatah kaoe ini poenja maoe, sobat? boekan sadja kaoe terbitken banjak tekot di dalam keradjaañna Paus, hanja di negri lain-lain djoega, hingga sekarang orang maoe hoekoem kanbratmoe

dengan soenggoeh-soenggoeh, akan djadi satoe toeladan."

— »Peppino itoe tida boleh dikataken teritoeng pada kambratkoe; dia itoe satoe gombala, jang tida berboewat lain kasalahan dari pada membri makanan pada kita-orang."

— »Terboewatannja itoelah ada njataken dengan sampoerna, jang ia djadi kambratmoe. Sebab itoelah orang nanti potong kapalanja, sedang kaoe sendiri, kaloe kena ditangkap, nanti dibelah-belah. Tiada oeroeng orang banjak nanti merasa girang, oleh kerna melihat kambratmoe itoe terhoekoem."

— »Boleh djadi; tapi orang banjak tiada doega, apa jang saja nanti perboewat."

— »Toeroet akoe poenja rasa, kaoe ini nanti perboewat satoe perkara git."

— »Saja ada sadia aken perboewat segala perkara boewat tj'gahken orang hoekoem Peppino itoe, jang dapat tjlaka dengan lautaran menoeloeng kapadakoe. Demi Allah! bina amat dirikoe ini, kaloe saja tida berboewat apa-apa aken goena Peppino."

— »Apatah jang kaoe nanti perboewat?"

— »Saja nanti adaken doewapoeloeh orang di sapoeter bale hoekoeman, dan pada waktee orang bawa Peppino ka bale itoe, saja nanti kasih satoe tanda, taloe dengan golok di tangan kita-orang menjerang pada orang-orang jang antar Peppino itoe, dan kita orang bawa Peppino berlari pergi."

— »Akoe rasa, kerdjaan itoe ada banjak baha-

janja, dan akoe poenja niatan ada lebih baik dari niatmoe itoe."

— »Bagimana adanja niat toewankoe?"

— »Akoe nanti kasih doewa riboe piaster pada saorang jang akoe kenal, dan orang ini nanti bekerdja, hingga hari hoekoemannja Peppino dioendoerken sampe di lain tahun; sedang bagitoe akoe nanti bri sariboe piaster pada saorang lain, jang nanti memboeka djalan aken Peppino minggat dari pandjara "

— »Apa tantoe toewankoe nanti dapatken kahendak itoe?"

— »Akoe boleh bilang padamoe, iahoewa akoe dengan oewangkoe nanti berboewat lebih banjak dari pada kaoe serta samoewa kanbratmoe jang bersendjata dengan senapan, pistol, golok, dan lain-lain sindjata."

— »Soekoer sekali; tapi dari sebab boleh djadi djoega niatan itoe djadi gagal, biarlah saja bersadia djoega."

— »Baik sekali; tapi biarlah kaoe pertjaja, jang akoe nanti dapatken soerat koernia boewat oendoerken Peppino poenja hari hoekoeman."

— »Biarlah toewankoe ingat, bahoewa sekarang hari Minggoe, dan melinken ada hari besok sadja aken toewan dapatken itoe soerat koernia."

— »Satoe hari ada 24 djam, satoe djam ada 60 minut, dan saban minut ada 60 seconde; di dalam 86400 seconde orang boleh bekerdja banjak."

— »Tjara bagimana kita-orang nanti dapat taoe, kaloe toewan soedah dapatken soerat itoe?"

— »Akoe soedah sewa tiga djendela boewat mewonton di lotengnja roemah minoeman nama Rospoli; kaloe akoe soedah dapatken itoe soerat koernia, doewa djendela jang ada di kanan kiri, nanti pake koelamboe koening, dan djendela jang di tengah nanti pake koelamboe poetih dengan salib merah."

— »Toewan nanti soeroe siapa antarken itoe soerat koernia?"

— »Kirimken padakoe saorang dari antara kambratmoe; orang 'ni biar berpake tjara hamba gredja, dan akoe nanti serahken itoe soerat koernia kapadana. Dengan berpakeun bagitoe, ia boleh datang sampe di dekat bale hoekoeman dan serahken soerat itoe kap da pandita, jang nanti kasihken itoe pada algodjo. Kaoe misti kabarken hal ini kapada Pepino, soepaja ia tida nanti djadi mati atawa djadi gila, kerna kaget, hingga akoe djadi mengaloewarkan oewang pertjoemah-tjoemah."

— »Baik, Toewan ! dan toewan sendiri telah taoe, bahoewa saja ada tjinta padamoe, boekani?"

— »Itoelah satoe perkara jang akoe harap sekali."

— »Kaloe sekarang toewankoe dapat lepaskien Peppino dari kabinasaän, boekanlah sadja saja nanti tjinta, hanja saja nanti djoendjoeng sekalian kahemoe."

— »Ingatlah baik-baik sama omongmoe itoe, so-

bat! Brangkali djoega pada hari esok-noesa akoe nanti seboet djandjimoe ini, kerna boleh djadi djoega akoe nanti perlue toeloenganmoe."

— „Toewan boleh perintah saja ini di dalam segala tempo, kendati djoega toewan ada di oe-djoeng boemi. Toewan toelis sadja padu saja: Perboewat itoe! — dan saja nanti lakoeken sekalian titahmoe.”

— „St! akoe dengar soewara kaki orang berdjalan.”

— „Itoelah orang-orang asing jang datang melihat ini astana.”

— „Tida perlue marika itoe melihat kita ada bersama sama. Itoe pengoendjoek-pengoendjoek djalan jang djadi djoega mata-mata, boleh kenali kaoe, dan maskipoen akoe soeka bersobat sama kaoe, adalah akoe merasa selempang, jang djikaloe orang dapat taoe adanja persobatan kita, karoegian nanti datang djoega padakoe.”

— „Poetoesnja ini bitjara, kaloe toewan dapatken itoe koernia boewat Peppino....?”

— „Djendelakoe jang di tengah nanti pake koe-lamboe poetih dengan salib merah.”

— „Slamat tinggal, Toewankoe!”

Sahabis bilang bagitoe, orang Transtevero itoe lantas berdjalan pergi, demikianlah djoega itoe orang asing.

Sasaät koedian, Franz dengar soewara Albert jang memanggil kapadanja; ia tida lantas menjaoet, hanja menoenggoe doeloe sebentaran, sampe

iteoe orang-orang asing soedah berdjalan djaoh sedikit. Franz itoe rasa, baiklah djoega djangan kataoean oleh orang-orang itoe, jang ia telah denngari marika poenja bitjara satoe pada lain.

Sebenar lagi ia dan Albert berangkat poelang ka roemah makan, dan salagi ada di djalan, tida sekali ia ada tjerita apa-apa pada sobatnya itoe, hanja biarken sadja sobat itoe berkata kata dari hal apa apa jang kalihatau di dalam itoe astana toewa, sedang ia sendiri ada berpikir.

Itoe orang Transtevero ada asing sekali di hadapan Franz, tapi itoe orang asing jang satoe lagi, tida ada bagitoe. Franz tida dapat lihat moekania orang itoe, kerna moeka itoe ada tertawoeng dengan pinggirnya topi, tapi padu soewaranja orang itoe Franz ada merasa kenal betoel, kerna soedah taoe dengar itoe di dalam gowa di Monte Cristo. Maka maskipoen tida dapat lihat pada moekanja itoe orang asing, Franz ada rasa dengan pasti bahawa orang itoe boékan lain adanja, hanja Simbad orang pelajaran.

Saande soedah melihat orang itoe di lain wak-toe, tantoe sekali Franz soedah lautas mengamperi kapadaunja itoe; tapi di itoe waktoe, kerna soedah dengar orang asing itoe berkata-kata di dalam rasia, Franz ada rasa baiklah djoega tinggal semboeni; di dalam hati Franz itoe berdjandji, jang djikaloe ia bertemoe lagi pada orang itoe, ia nanti lantas hampiri.

Di dalam autero malam itoe, Franz tida bisa poelas, kerna sanantiasa ia beringat sama segala perkara jang telah terjadi di Monte-Cristo,

Sampe di waktoe fadjar, baroelah ia dapat poelas; maka sampe di waktoe mata-hari soedah naik tinggi, baroelah ia sedar dari tidoernja.

Maskipoen masih pagi hari, Aloert telah bersadia aken di waktoe sore, hingga ia soedah sewa djoega satoe roewangan di roemah komedi Argentina, boewat ia doedoek menonton sama-sama Franz. Sobatnya ini di itoe hari tida kaloewar dari roemah, kerna sasoedah bangoen kasiangan, ia misti toelis bebrapa soerat jang ia maoe kirimken ka Frankrijk.

Sasoedah sadiaken apa jang perloe. Albert pergi berkandaran koeliling di dalam kota; sampe di waktoe sore, baroe ia poelang kombali.

Sigra djoega ia soedah ada bersama sam, Franz di dalam itoe roewangan i ng ia sewa, dan komedi pocn soedah moeli main.

Sedang menuonton, Franz dapat lihat satoe njonja moeda jang baroe datang ka dalam satoe roewangan kosong, dan oleh kerna ia soedah berkenalan sama njonja ini di kota Parijs, ia poen djadi kaget sedikit. Albert jang melihat geruk-gerakuja Franz itoe, lantas menanja pada sobatnya itoe;

»Apa kaoe kenal njonja itoe?“

»Ja,“ sahoet Franz: ”dan bagimana rasamoe aken njonja itoe?“

— »Saja rasa, dia itoe berparas eilok sekali, sobat! Apa ia saorang Fransch?“

— »Boekan, hanja saorang Venetië.“

— »Dan kaoe seboet dia itoe siapa?“

— »Gravin G...“

— »O, saja kenal itoe nama! Orang bilang la-koenja jang manis ada bertimbang sama kaeilokan-nya. Ach, baroe sekarang saja ingat kombali, bahoewa tempo sa'a ala di dalam njonja Villefort poenja pesta jang paling belaking, gravin G... ini ada djoega di sitoe, hingga saja soedah boleh djoega berkenalan padanja di itoe tempo; tapi saja soedah tida mengamperi padanja O! saja bodo sekali!“

— »Apa sekarang kaoe maoe saja bikin kaoe berkenalan sama dia?“

— »He! apa kaoe kenal baik padanja, hingga berani membawa saja ka dalam rowangannja itoe?“

— »Saja soedah taoe berkata-kata bebrapa kali sama dia, dan hal ini ada terbitken rasa padakoe, bahoewa saja tida melanggar atoeran adat, kaloe sekarang saja datang hamperi gravin ini.“

Di itoe waktoe itoe gravin melihat kapada Franz lantas membri tabe dengan gerakken tangan, jang disamboeti oleh Franz dengan memanggoet dalam.

»Aha!“ kata Albert: »toeroet saja poenja lihatan, kaoe ada bersobat baik sama gravin ini.“

»Kaoe salah mendoega,“ sahoet Franz: »sebab kaoe menoeroet sadja pada kabiasaan di Parijs. Kabiasaan di sini ada laen.“

—»Baik; tapi boekalah djalan aken saja berkenalan sama dia, seperti tadi kaoe soedah berdjandji,"

—»Sebentar, sobatkoe, kaloe komedi toeroenken kain pedengen aken berenti sebentaran."

Sebentar lagi, satelah pedengen ditoeroenkena lantas sadja Albert mengambil topinja dan mem bri taoe kepada Franz, jang ia ada sadia aken berangkat. Maka Franz lantas berbangkit, dan ia-orang berdoewa lantas djalan bersama-sama dan mengetok pada pintoenja rowangan No. 4, aken berdjoempa pada itoe gravin jang eilok.

Pintoe itoe lantas dibokekaken, dan satoe lelaki moeda jang ada beserta gravin itoe, lantas berangkat pergi dari itoe rowangan, ia-itoelah menoe roet adat Italië.

Franz lantas adepkem Albert pada itoe gravin, soepaia ia-orang berkenalan satoe sama lain.

Franz itoe berkata, jang oleh kerna di tempo gravin ada di Parijs, Albert tida dapat berdjoempa pada Gravin, ia (Franz) telah berdjandji pada Albert aken antarken ia berdjoempa, dan sekarang ia boektiken djandjinja itoe dengan minta maaf pada gravin, kerna mengatarken orang, sedang ia sendiri haroes diantar oleh orang lain.

Gravin sahoeti omongan itoe dengan memang goet kapada Albert dan menubriken tangan pada Frans.

Samoewa lantas berdoedoek.

Sedang Albert berkata-kata sama gravin. Franz meihat koeliling, laloe dapat lihat di satoe rowangan satoe nona eilok dan moeda jang berpake tjara pram poewan Griek. Di belakang nona ini, di tampat goeram, ada doedoek saorang lelaki jang tida kali hatan moekanja.

Franz mananja pada gravin, kaloe-kaloe gravin kenal sama itoe nona eilok.

„Tida," sahoet itoe njonja bangsawan: »saja melinken taoe, jang nona itoe telah ada di sini moelai dari baroe toekar moesin; kerna pada tempo komedi ini baroe moelai main, saja soedah lihat dia di itoe rowangan, dan soedah saboelan lamanja ia menonton saban sore, dengan terantar oleh itoe lelaki jang sekarang ada beserta dia, atawa oleh satoe boedjang hitam."

Franz tiada poetoes memandang pada itoe nona Griek, sedang si nona tida menengok ka lain tampat, hanja melihat sadja pada komedi jang main.

Sasoedah lama sedikit, Franz dapat lihat itoe lelaki, jang ada di tampat goeram, berbangkit dari korsinja dan mengamperi pada itoe nona Griek, jang lantas menengok dan berkata sedikit. Roepanja lelaki itoe tida djoega kalihatan tegas oleh Franz, dari sebab tertoeoe dengan beabajangan.

Sebentar lagi, sasoedahn'a komedi main lagi sa djceroes, Franz diadi terkedjoet. Ia dapat lihat roepanja itoe lelaki jang ada beserta itoe nona

Griek, dan orang ini boekan lain adanja, hanja Simbad orang pelajaran, jang Franz soedah taoe bertemoe di dalam astana di Monte Cristo, dan dengar djoega soewaranja dan lihat potongan toeboehnja di itoe astana toewa jang diseboet Coliseum.

Sasoedah tertjenggang sakoetika; Franz itoe lantas berkata: »Tadi saja soedah menanja, kaloe kaoe kenal pada itoe nona Griek; sekarang saja ingin menanja, brangkali kaoe kenal sama soewaminja nona itoe»

»Soewaminja poen saja tida kenal," sahoet gravin.

»Apa kaoe soedah melihat tegas pada roepanja?"

»Belon sekali," sahoet gravin sambil mengambil teropong dan lantas melihat dengan itoe ka kalam rowangannja itee nona Griek: »tapi sekarang saja melihat tegas djoega padanja; saja rasa orang ini baroe tergali dari dalam koeboeran, satoe majit jang dapat idsin bangoen kombali; kerna moekanja ada poetjat sekali."

— »Memang salamanja roepanja bewarna bagitoe."

— »Kaloe bagitoe, kaoe kenal padanja? Siapatah dia itoe?"

— »Saja rasa soedah bertemoe padanja dan sekarang saja merasa ada kenali d'a itoe."

»Hi!" kata poela itoe gravin sembari gojangken poendak sendiri: »soenggoeh roepanja itoe seperti satoe majit: pantaslah djoega kaoe kenali padanja, kerna, toeroet saja poen a rasa, siapa soedah taoe li-

hat padanja tantoe tida bisa loepaken roepanja itoe. Boekankah dia ini satoe setan jang berbadan ma noesia dan ditjeritaken biasa isap darahnja orang tidoer?"

»Saja misti dafat taoe, dia ini siapa adanja," kata Franz sambil berbangkit.

»Nanti! nanti!" kata gravin: »djangan kaoe tinggalken saja; saja soedah ingat maoe minta kaoe antarken poelang."

»Apa kaoe merasa takoet?" kata Franz dengan berbisik pada gravin itoe.

»Dengarlah," kata poela gravin itoe: »toewan Bijron telah berkata padakoe, jang ia pertjaja ada setan bagitoe; ia berkata dengan betoel, jang ia sendiri soedah taoe lihat itoe, hingga ia tjeriken bagimana roepanja itoe, dan r epajang ditjeritaken itoe ada sama betoel dengan roepana orang ini: rambo tnja hitam matinja besar bersorot tadjam, dan moekanja poetjat seperti majit. Biarlah kaoe beringat djoeg!, bahoewa orang ini tida ada bersama-sama dengan prampoewan sabagimana biasa, hanja ada beserta dengan satoe prampoewan asing, satoe prampoewan Griek, jang tentoelah djoega satoe prampoewan bangsa setan adanja. Maka saja minta, djanganlah kaoe pergi kapadanja. Di esok pagi kaoe boleh tjari keterangan, kaloe kaoe maoe; tapi di ini sore kaoe djanjan tinggalken saja di sini."

Franz maoe djoega pergi hamperi orang.

Itoe gravin lantas berbingkit dan berkata: »Se-

karang djoega saja maoe pergi; saja tida bisa tinggal di sini sampe komedi soedah brenti main. Diroemahkoe ada tetamoe. Apa kaoe tida ada ampoenja boedi baik aken antarken saja poelang?"

Franz tida bisa berkata apa-apa lagi, dan lantas s'dja berdjalanan antarken gravin itoe ka loewar, laloe berkandiran bersama-sama. Tempo sampe di astunanja gravin itoe, Franz tida dapatken tetamoe, djoega tida ada tetamoe jang bakal datang; maka lantaslah dioega ia tanjaken hal itoe pada gravin.

„Sabernarja saja ada merasa koerang enak badan," kata itoe gravin kepada Franz: „dan ingin poelang aken tinggal sendiri-diri. Moekanja itoe lelaki jang poetjat, telah bikin saja merasa kaget."

Franz tersenjoem.

„Djangan tertawa," kata poela itoe gravin: „hanja biar kaoe djandjiken padakoe satoe perkara."

„Perkara apa?"

„Djandji doeloe jang kaoe nanti trima permintaankoe."

„Saja nanti trima segala permintaankoe, kaloe sadja kaoe tida meminta, soepaja saja djangan tjari taoe halnja itoe lelaki jang poetjat. Saja ada poenja lantaran akeu kapiugin taoe siapa adanja orang itoe, dari mana ia datang dan kamana ia hendak pergi."

„Dari mana ia datang, itoelah saja tida taoe, tapi ka mana ia menoedjoe, itoelah saja bisa bilang padamoe: ia menoedjoe ka naraka."

„Djandjian apatah jang kaoe ingin dapat dari padakoe, Njonja?"

„Biar sekarang kaoe teroes berdjalanan poelang ka roemah makanan dan djangan tjari djalan aken bertemoe lagi sama itoe orang poetjat di ini sore. Saja tida maoe kaoe datang pada orang itoe, sahabis kaoe antarken saja. Kaloe kaoe maoe, kae' boleh bertemoe padanja di esok pagi; tapi djangan sekali kaoe bawa dia datang padakoe, kaloe kaoe tida so-ka saja ini djadi mati kerna takoet. Sekarang saja bri padamoe, slamat tidoer;" aken saja sendiri. saja taoe betoel, jang saja tida nanti bisa po elas."

Habis bilang bagitoe, gravin itoe lantas masoek ka dalam astananja, sedang Franz tida taoe betoel, apa gravin itoe telah main-main sama dia, atawa ada dengan sabernarja merasa takoet.

Satelah sampe di roemah-makanan, Franz dapatken Albert lagi berdoedoek di korsi malas dengan mengisap roko.

„He, kaoe soedah datang kombali!" kata Albert pada Franz: „demik Allah! saja soedah kira di esok pagi baroelah kaoe nanti poelang."

„Sobat!" sahoet Franz: „sesat sekali doegaanmoe, kaloe kaoe mendoega ada perkara tjinta-tjinta-an antara itoe gravin dan saja."

„Kaoe maoe saja mendoega bagimana? Itoe gravin kasih tabe padamoe, bitjara bisik-bisik di koe-pingmoe dan minta kaoe antarken poelang."

— »Sebab ia tida ada poenja rasia jang misti dioempatken, itoelah sebabnya maka ia tida pilih-pilih kalakoean di depan orang. Lain dari bagitoe, apa kaoe tida lihat, jang itoe gravin ada katakoetan?"

— »Katakoetan? Takoet sama itoe toewan jang amat sopan dan ada di rowangan di depan kita sama-sama itoe nona Griek jang eilok? Dengarlah saja tjerita: saja kapingin taoe, siapa adanja itoe; maka tempo ia orang kalewar dari rowangan, saja sengadja d'alan berdekat sama dia. Dia itoe satoe lelaki jang tjakap sekali dan berpake dengan beres. Moekanja ada po tjet, itoe betoel; tapi kaoe toch taoe, bahoewa moeka jang poetjet itoe ada banjak di antara orang besar."

Franz tertawa, laloe berkata: »Sa a poen ada rasa. bahoewa ingatannja gravin atas hal orang itoe, tida boleh diseboet ingatan orang berboedi. Tapi apa itoe lelaki ada bitjara apa-apa?"

— »Ia ada bitjara, tapi dengen bahasa djeman koeno jang mirip pada bahasa Griek."

— »Ia bitjara dengan bahasa bagitoe?"

— »Ja."

— »Kaloe bagitoe, benarlah dia djoega."

— »Apa kaoe bilang?"

— »Tida apa apa; tapi kaoe ini lagi bikin apa?"

— »Saja maoe girangken hatimoe dengan terkoe-njoeng-koenjoeng."

— »Dengan apa?"

— »Kaoe taoe, bahoewa kita-orang tida bisa dapat satoe kareta bagoes."

»Ja," sahoet Franz: »dan kita soedah perboewat apa jang boleh aken dapat satoe kareta bagoes, tapi pertjoemah sadja."

— »Sekarang saja dapat satoe ingatan bagoes."

— »Kaoe ingat apa?"

— »Dengarlah! Tida ada lagi akal aken dapat satoe kareta, sabagimana jang biasa terpake di dalam karajaän, boekan?"

— »Tida."

— »Koeda poen tida".

— »Tida."

— »Tapi satoe gerobak tantoe boleh djoega kita mendapat?"

— »Boleh djadi."

— »Sapasang sampi penarik djoega?"

— »Ja."

— »Doewa roepa barang itoelah ada tergoena boewat kita. Saja nanti soeroeh hiasi gerobak itoe dan kita orang berpake tjara toekang potong gedoen. Kaloe kaoe poenja gravin maoe toeroet pada kita dan berpake tjara prampoewan Puzzol atawa Sorrente, kita poenja garobak nanti djadi sama sekali dengan jang ada di dalam pigoera boewatan Leopold Robbert."

— »Ah, soenggoeh-soenggoeh kaoe poenja ingatan ini ada bagoes sekali!"

— »Bagoes, ja? Orang kira, kita-orang misti

toeroet bersoeka soeka di karajaan dengan berdjalang kaki, sebab kita tida dapat kar ta; tapi sekarang orang nanti lihat, jang kita bisa adaken barang matjem baroe!"

—»Apa kaeo soedah kataken djoega ingatanmoe ini kepada lain orang?"

—»Ja, pada Pastrini. Tempo saja baroe poelang, saja panggil dia dan britaoe niatankoe. Ia berkata, gerobak dan sampi sekarang poen kita boleh dapat."

—»Di mana dia ada sekarang?"

—»Siapa?"

—»Pastrini."

—»Dia lagi pergi tjari itoe gerobak dan sampi, soepaja, boleh lantas didandani dari sekarang sebentar djoega ia nanti datang kasih kabar pada kita."

Di itoe waktoe djoega pintoe tertolak dan kapanja Pastrini kalihatan di pintoe.

—»Boleh saja masoek?" kata Pastrini itoe.

—»Boleh sekali!" sahoet Franz.

—»Bagiman?" kata Albert pada Pastrini itoe:
—»Kaeo soedah dapat itoe gerobak dan sampi?"

—»Saja dapat barang jang lebih baik," sahoet Pastrini.

—»Barang jang lebih baik?"

—»Ja, Toewankoe!"

—»Apatah itoe?"

—»Toewankoe taoe, bahoewa graaf de Monte Cristo ada menoempang di atas tingkatan ini bersama-sama toewankoe."

—»Ja, kita taoe itoe."

—»Graaf itoe dapat taoe, jang toewankoe tida bisa dapat kareta, dan ia silaken toewankoe aken ambil doewa tampat di dalam ia poenja kareda lagi doewa taampat pada ia poenja djendela-djendela di astana Rospoli."

—»Albert dan Frinz memandang satoe pada lain.

—»Apa kita boleh trimu," kata Albert: »oendangannya saorang asing jang kita tida kenal?"

—»Orang bagimanalah graaf de Monte-Cristo itoe?" kata Franz pada Pastrini.

—»Satoe toewan bangsawan dari Sicilie atawa dari Maltha, itoelah saja tida taoe terang," sahoet Pastrini: »tapi ada baik sekali dan kaja sekali."

Toeroet saja poenja rasa," kata Franz pada Albert: »kaloe orang itoe ada beradat baik sabagimana dikataken oleh ini toewan roemah, haroeslah ia mengoendang pada kita dengan soerat atawa . . ."

Sedang Franz berkata bagitoe, adalah terdengar pintoe diketok.

—»Boleh masoek!" kata Franz, dan satoe boedjang jang berpake bagoes, lantas datang ka hadepannja.

—»Saja bawa ini dari graaf de Monte-Cristo boewat toewan baron Franz d'Epinay dan boewat toewan burggraaf Albert de Morcerf," kata itoe boedjang, sambil serahken doewa kaartjis pada toewan Pastrini jang lautas kasihken itoe dada Franz dan Albert.

—»Graaf de Monte-Cristo," kata itoe boedjang pada

Franz dan Albert: »meminta idsin aken datang herdjoempa pada toewan-toewankoe di esok pagi; ia harap boleh dapat kabar, di waktoe mana ia boleh datang."

»Demi kahormatankoe!" kata Albert kepada Franz: »tida ada katjelah-nnja: samoewa beres sekali! -- Bilanglah pada toewanmoe," kata poela Albert itoe pada boedjang jang bawa kaartjis: »bahoeva kita orang sendiri hendak datang berdjoempa kapadanja."

Itoe boedjang lantas berlaloe.

»Benar sekali katamoe, Toewan Pastrini!" kata Albert: »itoe graaf de Monte-Cristo sa orang sepan sekali!"

»Dan toewankoe trima ia poenja oendangan?" kata Pastrini.

»Tantoe!" sahoet Albert: »Tapi haroeslah kita berkata, jang hatikoe ada njesal djoega sedikit, oleh kerna tida djadi berkandaran dengan gerobak jang dihiasi; maka saände itoe djendela di astana Rospoli tida senangken hati kita, baiklah kita nanti teroesken djoega kita poenja niatan jang pertama. Bagimana kaoe rasa, Franz?"

»Saja rasr," sahoe Franz: »haroes saja berkata, bahoeva saja penoedjoe pada djendela itoe."

Sambil berkata bagitoe, Franz beringat pada omongnja orang jang ia dengar di Coliseum. Sebab bagitoe, Franz itoe djadi berpikir sadja dan tida bisa tidoer sabiasauja. Pada esoknya ia bangoen di

waktoe masih pagi, sedang Albert masih poelas dengan enak.

Franz panggil toewan Pastrini dan berkata padanja: »Boekankah di ini hari bakal ada orang djalanken hoekoeman mati?"

»Ja, Toewankoe!" sahoet Pastrini: »tapi kal e sekarang toewan maoe dapat djendela boewat me-nonton itoe, soedah tida bisa dapat."

—, Akoe boekan maoe minta djendela, hanja kaptingin taoe brapa orang jang bakal di boenoeh, siaapa nama-namanya dan tjara bagimana marika nanti dibenoeh."

—, O, kabetaolan sekali! baroesan saja ada trima papan warta."

—, Papan warta? apatah itoe?"

—, Satoe papan ketjil jang digantoeng di mana tikoengan-tikoengan djalun. pada tiap kali ada orang hoekoeman maoe djalanken hoekoemannja. Di papan itoe ada tertelois namanja orang hoekoeman, lantarannja mendapat hoekoeman dan tjara bagimana ia nanti djalanken hoekoeman itoe. Maksoednja papan ini aken oendang orang-orang ibadat berdowa kapada Allah, soepaja orang hoekoeman itoe dapat rasa menjesal atas perboewatannya dan mendapat koernia dari Toehan Maha koewasa."

—, Dan orang bawa papan itoe padamoe, soepaja kaoe toeroet berdowa?"

—, Boekan, Toewankoe! hanja saja ada bikin djandjian sama pengoewar warta, soepaja ia kasih

wartanja pada saja, hingga djikaloe ada tetamoe soekak menonton, tetamoe ini dapat kabar siang-siang."

— »Itoelah satoe tanda jang kaoe bisa sekali merawati tetamoe."

— »O, saja biasa perboewat apa jang boleh, aken senangken hatinjá saja pœnja tetamoe."

— »Ja, itoelah akoe dapatken kanjataänna dan akoe nanti tjeritaken itoe pada segala sobat dan kenalankoe. Sekarang biarlah akoe dapat batja boenjinja itoe papan warta."

Pastrini m'manggoet, lantas berlaloe, dan sebentar lagi ia datang kombali dengan bawa itoe papan jang terseboet.

Boenjin'a toelisan jang ada di papan itoe bagini:

»Dengan ini dibri taoe, bahöewa dengan mienoe. roet poetoesannja Pengadilan, di hari Slasa 22 Februari, nanti dikenaken di lapangan del Popolo hoekoeman mati kapada saorang lelaki bernama Andrea Rondolo, jang disalahi telah boenoeh saorang hamba giedja bernama Don Cesär Torlini; djoega kapada saorang lelaki nama Peppino alias Rocca Priori, jang terwoedoeh ada lerkawan sama kapala begal nama Luigi Vampa Jang pertama bakal disembeleه seperti satoe héiwan, dan jang kadoewe itoe bakal dikotoengken lehernja. Sekalian orang ibadat disilahken berdowa kapada Allah, soepaja ini doeua orang hoekoeman dapat rasa menjesal atas perboewatannja, hingga ia orang boleh dapat köernia dari Toehon Maha Soetji."

Namanja itoe orang-orang hoekoeman, d'mikianlah djoega lantaranja terhoekoem, ada sabagimana jang Franz soedah dengar di dalam astana Coliseum. Maka Franz rasa, itoo orang Transtevero tantoe sekali boekan lain adanja, hanja Luigi Vampa, dan itoe orang asing jang berkata-kata sama Luigi itoe, tantoe sekeli Simbad orang pelajaran adanja.

Pada poekoel sembilan, Franz ingeri bangoenin Albert, dan ia merasa heran, tempo melihat sobatnya itoe kalowear dari kamar dengan soedah berpake-pake. Ia tida kira, sobatnya itoe soedah banggoen di watoe masih pagi.

»Bagimana kaoe rasa, Toewan Pastrini!" kata Franz pada toewan-roemah: »apa kita-orang jang sekarang soedah sadia, boleh lantas bertemoe di ini waktoe pada graaf de Monte Cristo?"

»Boleh sekali?" sahoet Pastrini: »graaf de Monte Cristo bisa berbangkit di wakoe lagi; saja rasa, ia soedah berbangkit doewa djam lama-nja."

— »Tida ada katjelahan apa apa, kaloe kita datang berdjoempa pad inja di ini waktoe?"

— »Tida sekali!"

— »Kaloe bagitoe, Albert! saände kaoe ada sadia aken berangkat, marilah kita berdjaaan."

Albert meman goet, dan ia-orang berdoewa lantas berdjalan ka taumpa'nja graaf de Monte Cristo. Toewan Pastrini berdjalan doeloean dan mengetok pada pitoe. Satoe boedjaug boekaken pintoe itoe,

dan Pastrini lantas bri taoe, bahoewa Franz dan Albert minta bertemoe kapada graaf.

Itoe boedjang memanggoet, laloe silaken Franz dan Albert masoek ka dalam kamar tetamoe.

Ia-orang djalan meliwat di doewa kamar jang tehias bagoes, sabagimana jang ia-orang tida sangka aken dapatken itoe di roemahnja Pastrini. Achir-achir ia-orang sampe di satoe kamar besar jang terhias lebih bagoes lagi. Permadani bigoes ada menoetoepi dasarnja kamar itoe, sekalian korsi dan bangkoe ada tersaloet dengan beloedroe, tembok-tembok ada terhias dengan pigoera-pigoera berharga besar dan lain-lain barang sabaginja, sedang sekalian djendela dan pintoe ada pake koelamboe haloes dan bagoes.

»Toewan-toewankoe disilaken berdoedoek, sedang saja pergi wartain toewan graaf," kata si boedjang dengan memanggoet dan teroes masoek ka lain kamar.

»Bagimana kaoe poenja rasa atas hal ini graaf de Monte-Cristo?" kata Franz pada Albert.

»Saja rasa," sahoet Albert: »ia ada amat hartawan, dan brangkali djoega satoe poetra radja jang melantjong koeliling negri dengan menjaroe."

»St!" kata Franz dengan berbisik: »sigra djoega kita nanti dapat taoe hal itoe; kerna lihatlah, itoe graaf mendatangi."

Benar sekali; kerna di itoe waktoe pintoe terboeka, koelamboenja dikisarken, dan graaf de

Monte-Cristo djalan mendatangi pada tetamoe-tetamoena. Albert djalan mengamperi pada graaf itoe, tapi Franz tinggal berdiri diam, seperti ada terpakoe pada dasarnja kamar.

Graaf itoe boekan lain adanja, hanja orang asing jang Franz telah lihat di astana Coliseum, lelaki poetjet jang ia telah lihat di roemah komedi dan toewan roemah di poelo Monte-Cristo, jang telah seboet namanja sendiri Simbad orang pelajaran.

Franz dan Albert memanggoet bersama-sama. Franz belon berkata satoe apa dan belon dapat ingat, baik berkata apa; kerna lakoenja itoe graaf ada kalibatan seperti tida maoe kenali orang dan djoega tida maoe dikenali; sebab bagitoe, djadilah Franz berdiam sadja, dan tida sekali brikunjataan, jang ia ada kenali graaf itoe.

Achir-akhir Franz itoe berkata:

»Toewan graaf! kaoe telah oendang kita-orang aken ambil tampat di dalam kaoe poenja kareta dan pada kaoe poenja djendela-djendela di astana Rospoli; apa sekarang kaoe boleh djoega bri perstoendjoekan pada kita, tjara bagimana kita-orang boleh dapat tampat boewat tonton apa jang nanti djadi di tanah-lapang del Popolo?!"

»Olah!» kata graaf itoe: »saja loepa sekali sama itoe perkara! Tiadakah di lapangan del Popolo itoe nanti ada orang djalanken hoekoeman mati?!"

»Ja,» sahoet Franz jang memang ingin sekali omongin hal itoe.

»Saja rasa,» kata poela graaf itoe: »kamarin saja ada bilang apa apa aken hal ini pada saja poenja pegawe; brangkali djoega saja boleh berboewat lagi apa-apa aken goenamoe di dalam ini perkara.''

Sambil berkata bagitoe, graaf itoe gojangken kelenengken dan di itoe waktoe djoega datanglah saorang satengah toewa, jang Franz kenali seperti orang jang telah antarken ia maoek ka dalam gedong di Monte-Cristo.

XXXVIII.

ORANG-ORANG HOEKOE MAN.

»Toewan-toewankoe," kata graaf de Monte-Cristo: »brilah maaf padakoe, kaloe saja belon sempat datang sediri kapadamoe; tapi saande pagi terlaloe saja datang padamoe, saja selempang djadi satoe halangan. Lain dari bagitoe, angkoe telah bri taoe, jang angkaoe hendak datang di sini, dan saja ada sada aken djoendjoeng kahendakmoe."

»Kita berdoewa, sobatkoe dan saja ini, Toewan graaf!» kata Albert: »haroes membilang riboe-riboe soekoer padamoe; kerna kaoe telah hilangken kita poenja kasoesahan besar. Setang kita orang lagi bitjara aken pake kandaraan loewar biasa, soeroehanmoe datang dengan oendangan pada kita."

»Ah, kaloe saja ada ajal di dalam hal kirim oendangan," kata graaf de Monte Cristo sambil silakan Franz dan Albert berdoedoek di bangkoe: »itoelah ada salanja toewan Pastrini. Tida sekali ia tjerita padakoe jang toewan-toewankoe ada perloe kandaraan aken berdjalan di karajaan, sedang ia taoe saja ada sendirian sadja dan ingin berkenalan pada orang. Satelah saja dapat taoe, jang saja boleh berboewat apa-apa aken goenamoe, lantas sadja saja kirim oendangankoe."

»Toewan Bertuccio!» kata itoe graaf pada orang jang datang itoe: »apa kaoe soedah dapatken satoe djendela aken menonton di tanah lapang del Popolo?»

»Ja, Toewankoe!» sahoet itoe pegawe: »tapi toewan membri perintah, pada waktoe soedah kabela-kanganan.»

»Apa?» sahoet graaf itoe sambil kisoetken dijitat: »tidakah akoe berkata padamoe, jang akoe maoe dapat satoe djendela?»

»Ja,» sahoet si pegawe: »dan toewankoe nanti dapat satoe djendela jang telah disewaken pada poetra Lobanief; tapi saja telah terpaksa aken membajar saratoes»

»Baik! Toewan Bertuccio!» sahoet itoe graaf: »tida perloe kaoe seboetken itoe sewaan; kaoe soedah dapatken itoe djendela, itoelah jang akoe maoe. Britaoe pada koesir, di roemah mana adanja itoe djendela, dan kaoe sendiri misti ada di sana aken antar kita-orang ka djendela itoe. Sekarang, oendoerlah!»

Si pegawe memanggoet dan moelai moendoer; tapi graaf berkata poela padanja:

»Nanti! tjobalah tanja pada Pastrini, kaloe ia soedah dapat trima papan warta.»

»Tida perloe orang pergi pada Pastrini aken tanjaken itoe,» kata Franz sambil mengaloewarken satoe boekoe ketjil: »saja soedah batja dan poengoet djoega boeninja itoe papan warta; lihatlah di sini.»

»Kaloe bagitoe, kaoe boleh berlaloe, Toewan Bertuccio! Soeroeh bilang pada kita, kaloe makanan soedah sadia — Apa toewan-toewankoe soeka djoega senangken hatikoe dengan berdoedoek makan minoem sama-sama?»

»Ach, Toewan graaf!» sahoet Albert: »kita orang nanti djadi teroeroek dengan kabaikanmoe, kaloe kita trima sadja segala oendanganmoe.»

»Tida sekali!» sahoet itoe graaf: »hanja kaoe senangken hatikoe, kaloe tiada tampik cendangkankoe; brangkali djoega kaoe berdoewa, atawa saorang dari antar.moe, boleh balas mongoendang padakoe di kota Parijs. — Toewan Bertuccio! sadiaken tampat boewat kita bertiga doedoek makan dan minoem.»

Si pegawe lantas berlaloe, dan itoe graaf sambil Franz poenja boekoe peringatan, laloe menbat'a bagini:

»Pada ini hari 22 Februari, nuni dikenaken hoekoemen mati pada saorang nam: Andrea Rondolo jang tertoedoch telah boenoeh satoe hamba gredja nama Don Cesar Torlini, dan lagi pada saorang nama Peppino a ias Rocca Priori, jang tertoedoch ada berkawan sima pendjahat amit doerhaka nama Luigi Vampa.»

Habis membatja bagitoe, graaf itoe berkata:

»Ja, bagitoe telah ditantoken pada moela kali, tapi saja rasa, dari hari kamariu telah diadaken perobahan di dalam perkara ini.»

»Ada perobahan?» kata Franz.

»Ja,» sahoet graaf de Monte-Cristo: »kamarin sore, sedang saja ada berdoedoek sanna kardinaal Rospigliosi, ada dibilitjaraken perkara oendoerken hoekoemannja saorang dari antara doewa pendjahan t itoe.»

»Saorang jang man?» kata Franz: »Andrea Rondolo?»

»Boekan,» sahoet itoe graaf sambil melirik pada toelisan di boekoe ketjil jang masih ada di tangan njá: »hanja pendjahat jang satoe lagi, Peppino alias Rocca Priori, jang misti dikoetoengken lehernja. Maka itoe perabot boewat koetoengken leher tida aken terpake, dan kita-orang nanti lihat sadja orang hoekoemi itoe Andrea Rondolo, jang aken diboneeh seperti saekor binatang elas.»

Sasoedah berdiam sasaät, graaf itoe teroesken omongnjá dengan berkata: »Tapi ach, segala hoekoeman jang biasa dikenaken pida orang, tiada haroes dikataken berat adanja. Bangsa Europa tida mengarti, tjara bagimana mis i mengokoem pad: orang berdosa.»

»Saja dengar kaoe berkata bagitoe, Toewan graaf!» kata Franz: »saja lantas merasa, bahoewa tantoe sekali kaoe soedah taudingken satoe sama lain roepa-roepa hoekoeman jan; dipergoenaaken di antara roepa-roepa bangsa.»

»Meliniken ada sedikit sadja perkara hoekoemi orang, jang saja belon taoe lihat,» sahoet itoe graaf.

—»Apa kaoe dapat soeka aken lihat perkara itoe?»

—»Tempo saja melihat aken pertama kali, saja merasa tida enak; pada kadoewa kali, saja tida rasa bagitoe, tapi djoega tida merasa soeka; pada katiga kali, saja bernapsoe aken melihat.»

—»Bernapsoe! adoeh, omongmoe itoe bikin saja merasa kaget!»

—»Mengapa djoega tida bernapsoe? Kaloe di dalam kahidoepan di doenia ini ada perkara jang haroes dipikiri dengan betoel, jaitoelah perkara poeties djiwa. Boekankah kita pikiri perkara besar, kaloe kita beringat-ingat pada roepa-roepa djalan aken djiwa berlaloe dari badan? Toeroet saja poenja rasa, mingkin sering kita melihat orang berangkat mati, mingkin koerang takoetnja kita poenja hati aken kamatiun; maka toeroet pikiran saja, kamatiun itoe ada djadi satoe hoekoeman, tapi tida sekali ada djadi siksaän pada orang.

—»Saja tida mengarti betoel aken bitjaramoe itoe; maka kaloe kaoe soeka, biarlah kaoe terangken itoe.»

—»Dengarlah! Djika ada satoe orang mendatangkan padamoe kasengsara-an amat besar dan kadoekaan soesoen-menjoesoen dengan lantaran boenoeh kaoe poenja bapa atawa iboe atawa prampoewan katjinta-anmoe, hingga hatimoe djadi terpetjah dan tiada berenti meleleh darah sahari-hari, apa kaoe nanti bisa merasa poewas, oleh kerna golok besar poetiesken oerat lehernja si pemboenoeh jang

»Ada perobahan?» kata Franz.

»Ja,» sahoet graaf de Monte-Cristo: »kamarin sore, sedang saja ada berjedoek sama kardinaal Rospigliosi, ada dibilitjaraken perkara oendoerken hoekoemannja saorang dari antara doewa pendjahat itoe.»

»Saorang jang man?» kata Franz: »Andrea Rondolo?»

»Boekan,» sahoet itoe graaf sambil melirik pada toelisan di boekoe ketjil jang masih ada di tangan njá: »hanja pendjahat jang satoe lagi, Peppino alias Rocca Priori, jang misti dikoetoengken lehernja. Maka itoe perabot boewat koetoengken leher tida aken terpake, dan kita-orang nan'i lihat sadja orang hoekoemi itoe Andrea Rondolo, jang aken diboneeh seperti saekor binatang elas.»

Sasoedah berdiam sasaät, graaf itoe teroesken omongnjá dengan berkata: »Tapi ach, segala hoekoeman jang biasa dikenaken pada orang, tiada haroes dikataken verat adanja. Bangsa Europa tida mengarti, tjara bagimana mis i mengoekoem pad: orang berdosa.»

»Saja dengar kaoe berkata bagitoe, Toewan graaf!» kata Franz: »saja lantas merasa, bahoewa tantoe sekali kaoe soedah taudingken satoe sama lain roepa-roepa hoekoeman jan; dipergoenaaken di antara roepa-roepa bangsa.»

»Meliniken ada sedikit sadja perkara hoekoemi orang, jang saja belon taoe lihat,» sahoet itoe graaf.

—»Apa kaoe dapat soeka aken lihat perkara itoe?»

—»Tempo saja melihat aken pertama kali, saja merasa tida enak; pada kadoewa kali, saja tida rasa bagitoe, tapi djoega tida merasa socka; pada katiga kali, saja bernapsoe aken melihat.»

—»Bernapsoe! adoeh, omongmoe itoe bikin saja merasa kaget!»

—»Mengapa djoega tida bernapsoe? Kaloe di dalam kahidoepan di doenia ini ada perkara jang haroes dipikiri dengan betoel, jaitoelah perkara poetoes djiwa. Boekankah kita pikiri perkara besar, kaloe kita beringat-ingat pada roepa-roepa djalan aken djiwa berlaloe dari badan? Toeroet saja poenja rasa, mingkin sering kita melihat orang berangkat mati, mingkin koerang takoetnja kita poenja hati aken kamatian; maka toeroet pikiran saja, kamatian itoe ada djadi satoe hoekoeman, tapi tida sekali ada djadi siksaän pada orang.

—»Saja tida mengarti betoel aken bitjaramoe itoe; maka kaloe kaoe soeka, biarlah kaoe terangkan itoe.»

—»Dengarlah! Djika ada satoe orang mendatangkan padamoe kasengsara-an amat besar dan kadoekaan soesoen-menjoesoen dengan lantaran boenoeh kaoe poenja bapa atawa iboe atawa prampoewan katjinta-anmoe, hingga hatimoe djadi terpetjah dan tiada berenti meleleh darah sahari-hari, apa kaoe nanti bisa merasa poewas, oleh kerna golok besar poetoesken oerat leheru ja si pemboenoeh jang

merasai sadja sakit di dalam sedikit waktoe, sedang ia soedah sengsarai kaoe bertahanon-tahan?"

— „Ja, saja taoe bahoewa kaädilannja manoesia tiada tjoekoep aken djadi pengiboer hatinja orang; ia melinken bisa atoer, soepaja darali terbajar dengan darah, lain tida; tapi kita tida boleh pinta, apa jang orang tida bisa bikin."

— „Tapi tidakah ada joeta-an roepa kadoeka-an jang antjoerken orang poenja hati, dan boleh dikenaken pada orang tiada dengan taoenja pengadilan? Tidakah ada perboewatan djahat jang tida dapat dihoekoemi satjoekoepnja, kerna segala hoe-koemannja pengadilan ada terlaloe enteng aken hoekoemi perboewatan itoe?"

— „Ada; itoelah sebabnya, maka ada di-idsinken aken doewa orang bekalahi satoe sama lain."

— „Bekalahi satoe sama lain! hahaha! itoelah satoe atoeran bagoes aken membalas sakit sedikit. Tapi djika ada saorang merampas toendanganmoe, kendaki istrimoe atawa tjilakai kaoe poenja anak prampoewan; sedang kaoe ada poenja hak aken hidoepl dengan senang dan beroentoeng, — orang bikin kaoe tjilaka dan menanggoeng kasengsara-an hati saoemoer hidoepl serta dapat nama boesoek, — apa kaoe boleh merasa poewas dengan lantaran dapat tantjapken satoe piso di hatinja atawa masoekken satoe pelor ka dalam otaknja moesohmoe, jang telah petjhaken hatimoe dan bikin kaoe ampir djadi gila? Apa boleh merasa poewas?? Sedang bagitoe,

boleh djadi djoega si pendjahat menang bekalahi dan berdjalan poelang dengan senang, dan oleh orang banjak dikataken tida salah di dalam perkaranja, dari sebab ia menang di dalam kalahian, — O, tida! kaloe saja misti membalas sakit pada orang, saja tida membalas dengan toeroet atoeran bagitoe roepa!"

„Kaloe bagitoe, hal bekalahi satoe sama satoe itoe ada tertjelah olehmoe, dan kaoe ini tida nanti mace bekalahi satoe sama satoe?" kata Albert dengan merasa heran.

„Boekan sekali bagitoe," sahoet itoe graaf: „djanganlah kaoe salah mengarti. Boewat perkara ketjil, oepama orang hinaken dirikoe ini dengan sedikit perkataän, saja tiada malas aken bekalahi, dan di dalam perkara itoe saja boleh berlakoe dengan senang hati, kerna dengan lantaran ada berilmoe di dalam hal serang-menjerang dan lantaran biasa mengadepi bahaja, ampirlahi boleh dibilang tantoe, jang saja nanti dapat kalahken lawankoe; aken tetapi boewat kadoekaän besar dan kasengsaraän hati jang tida dapat dihilangkan, saja tida maoe menbalas sakit dengan lantaran bekalahi, hanja saja maoe datangken kasengsaraän kapada orang sabagimana jang saja telah mendapat dari orang poenja perboewatan: mata bajar mata, gigi bajar gigi."

„Aken tetapi," kata Franz pada graaf itoe: „kaloe kaoe djadi hakim dan algodjo di dalam perkaramoe

sendiri, adalah soesah aken kaoe tinggal salamanja di loewar koewasanja pembesar. Dengan hati jang menbentji dan penoeh dengan amarah, sering kali orang djadi sasar sekali. dan siapa menjilakai pada orang, ia poen ada terantjam dengan bahaja."

»Ja, betoel bagitoe, saände orang itoe miskin dan bodo; tida bagitoe, keloe ia ada berharta besar dan tjerdkik. Lain dari bagitoe, katjilakaän paling besar jang boleh datang padanja, tiada lain adanja, hanja melinken hoekoeman mati jang baroe kita omongken tadi. Brapatah beratnya hoekoeman mati, kaloe orang soedah dapat membalas sakit dengan sapoewas hati kapada moesoehnja? Saja menjesal sedikit, oleh kerna, menoeroet kabar, itoe Peppino tiada djadi dikoetoengken lehernja di ini hari; kerna saände djadi, kaoe nanti lihat, bagimana tjepatnya ia pindah dari doenia ini ka kabakaän; ampir boleh dibilang tida dengan merasa sakit. Tapi, ach, Toewan-toewankoe! menga patah djoega kita omongken hal ini di hari raja aken bersoeka-soeka! Apatah moelanja, maka kita-djadi omongken hal ini? O, ja! sekarang saja ingat. Kaoe ingin dapat tampat aken tonton orang dihoekoem. Ja, kaoe boleh menonton dari saja poenja djendela; tapi lebih doeloe marilah kita berdoedoek makan, kerna makanan soedah sadia dan dikabar-ken oleh itoe hambakoe jang mendatangi ka sini."

Di itoe waktoe satoe boedjang datang mengadep

dan membri taoe pada itoe graaf, bahoewa makanan telah sadia.

Itoe graaf dan tetamoe-tetamoenja lantas berbangkit dan pergi berdoedoek makan-minoem bersama-sama.

Salagi berdoedoek makan, Franz melirik kapada Albert, boewat lihat bagimana adanja ajer-moeka Albert itoe, oleh kerna telah dengar omonguja itoe graaf jang berkata-kata dari hal bekalahi dan hoe-koeman mati; tapi ajer-moekanja Albert tida sekali ada berobah, setaoelah dari sebab ia trima baik bitjaranja itoe graaf jang terangken harganja hal bekalahi, setaoelah dari sebab ia tida perhatiken perkara jang diomongken itoe.

Sedang Albert ada dahar dengan enak, graaf de Monte-Cristo ada kaihathan seperti orang berpikir-pikir, hingga ampir ia tiada santap dan boleh dikataken jang ia doedoek mengadepi barang makanan, melinken boewat temanin tetamoenja.

Satelah soedah makan dan minoem, Albert mengaloewarken horlodji aken melihat waktoe.

»Apa kaoe ada banjak kerdjaan?» kata graaf kapadanja.

»Ja,» sahoet Albert: »ada lagi bebrapa perkara jang kita misti oeroes.»

—»Perkara apa?»

—»Kita-orang belon ada poenja pakean aken djalan di tampat karajaän dan kita ada perloe barang itoe.»

—»Traoesah koewatir aken hal itoe. Di tanah apang del Popolo ada satoe kamar pakean; saja nanti soeroeh bawa padamoe pakean jang kaoe kahendaki, kaloe sadja kaoe bri taoe matjam jang mana, dan di sanalah kita nanti toekar pakean aken menjaroe.”

—»Sahabis menonton orang dihoekoem?” kata Franz.

—»Ja, sahabis menonton, sambil menonton atawa pada sabelon menonton, sabagimana kahendakmoe sendiri.”

—»Toekar pakean di depan bale hoekoeman?”

—»Itoe bale hoekoeman ada teritoeng pada barang-barang karajaan ini.”

—»Dengarlah. Toewan graaf! saja ada beringat pada satoe perkara; haroes saja bersoekoer aken kaoe poenja hati-boedi jang amat manis, tapi saja maoe ambil sadja satoe tempat di dalam kaoe poenja kareta dan pda kaoe poenja djendela di astana Rospoli, hingga tampat jang kaoe hendak briken padakoe pada djendela dari roemah di tanah palang del Popolo, boleh dipergoenaken sadja oleh-moe.”

—»Kaloe kaoe iida datang pada djendela itoe, kaoe tida nanti dapat lihat soewatoe hal jang haroes sekali ditonton olehmoe, kerna kaoe belon taoe melihat itoe.”

—»Di lain tempo kaoe boleh tjeritaken hal itoe padakoe,” sahoet Franz: »kaloe saja dengar hal

itoe ditjeritaken olehmoe, saja rasa, nanti ada sama sadja seperti saja sendiri telah menonton. Djoga soedah lebih dari satoe kali, saja ampir melihat orang djalanken hoekoeman mati; tapi tida bisa djadi saja melihat itoe; apa kaoe soedah taoe lihat perkara itoe, Albert?”

—»Soedah,” sahoet itoe burggraaf: »tapi saja rasa, di itoe tempo saja baroe habis minoem anggoer terlaloe banjak.”

—»Tapi,” kata graaf de Monte-Cristo: »kaloe kaoe belon taoe lihat perkara itoe di kota Parijs, itoelah boekan soewatoe sebab aken kaoe tida melihat perkara itoe di lain tampat; djoega kaloe orang melantjong ka lain negri, jaitoelah boewat dapat taoe ini dan itoe, dan boewat lihat apa jang ia belon taoe lihat. Tjobalah ingat; apa kaoe nanti bilang, kaloe orang tanja padamoe: »tjara bagimana orang djalanken hoekoeman mati di kota Rome?” dan apalah orang nanti bilang, kalo: kaoe misti menjahoeti pertanyaan itoe dengan berkata: saja tida taoe? Lain dari bagitoe, ini orang jang bakal djalanken hoekoeman mati di ini hari, ada ternama djahat sekali, saorang doerhaka jang telah boenoeh satoe hamba geredja, jang telah paliharakken padanja seperti anak sendiri.”

—»Apa kaoe maoe lihat, Albert?” kata Franz.

—»Ja, sobatkoe, saja maoe lihat!” sahoet Albert: »saja djoega ada merasa moendoer-madjoe seperti kaoe, tapi sekarang, sasoedah de-

ngar omongnja toewan graaf ini, saja berniat melihat itoe."

»Kloet bagitoe, biarlah kita melihat sama-sama," kata poela Franz: »tapi boewat datang di itoe tanah-lapang del Popolo, saja ingin djalan pada itoe djalanan, di mana perarakan ada meliwat; apa boleh, Toewan graaf?"

»Boleh dengan berdjalan kaki, tida boleh dengan berkandaran," sahoet itoe graaf.

— »Saja nanti berdjalan kaki,"

— »Apa perloe sekali kaoe meliwat di djalanan itoe?"

— »Ja, kerna di sitoe ada apa-apa jang saja ingin lihat."

— »Kaloe bagitoe, biarlah kita djalan di sitoe; kita poenja kareta biar menoenggoe sadja di del Popolo; saja sendiri poen ada rasa baik djoega berdjalan di djalanan itoe soepaja boleh melihat, apa segala perintah jang saja telah briken, telah dilakoeken dengen betoel."

Di itoe waktoe satoe boedjang datang dan berkata pada graaf: »Toewankoe! di loewar ada satoe hamba gredja jang minta bertemoe pada toewankoe."

»O, akoe taoe siapa itoe," kata itoe graaf: »Toewankoe disilaken mengisap roko di kamar tetamoe; sebentar saja datang kombali padamoe."

Franz dan Albert lantas berbangkit dan berdjalan ka kamar tetamoe, sedang graaf de Monte-

Cristo djalan menoedjoe pada pintoe jang menemboes ka kamar loewar.

Sedang doedoek mengisap roko, Franz berkata pada Albert: »Bagimanakah rasa hatimoe aken ini graaf de Monte-Cristo?"

»Saja rasa," sahoet Albert: „dia itoe saorang lelaki tjakap jang hidoep besar dengen sapantasna, jang soedah kenal banjak perkara dan telah banjak berpikir aken segala hal, dan lain dari bagitoe, ia ada poenja roko jang enak sekali rasanja"

•Tapi," kata poela Franz: »apa kaoe lihat jang graaf itoe ada memandang padamoe seperti pada orang loewar biasa?"

— »Memandang tjara bagitoe kapadakoe?"

— »Ja."

— »O, saja rasa, saja taoe djoega apa lantaranja itoe. Soedah ampir satoe tahun berlaloe, sadari saja kaloewar dari Parijs; ssja poenja pakéan tantoe sekali tida teritoeng lagi paja modo baroe. Itoe graaf ada sangka, jang sajja ini saorang desa. Saja harap, sobatkoe! kaoe nanti bri taoe padanja, jang sangkaannja ada salah sekali."

Franz tersenjoem dan di itoe waktoe graaf de Monte-Cristo mendatangi kapadanja.

»Sekarang saja sadia kombali aken melajani kaoe, Toewan-toewankoe!" kata graaf itoe: »Kita poenja kareta nanti djalan di soewatoe djalanan aken pergi ka del Popolo, sedeng kita djalan ka sana

ngar omongpja toewan graaf ini, saja berniat melihat itoe."

»Kalo bagitoe, biarlah kita melihat sama-sama," kata poela Franz: »tapi boewat datang di itoe tanah-lapang del Popolo, saja ingin djalan pada itoe djalanan, di mana perarakan ada meliwat; apa boleh, Toewan graaf?"

»Boleh dengan berdjalan kaki, tida boleh dengan berkandaran," sahoet itoe graaf.

— »Saja nanti berdjalan kaki,"

— »Apa perloe sekali kaoe meliwat di djalanan itoe?"

— »Ja; kerna di sitoe ada apa-apa jang saja ingin lihat."

— »Kalo bagitoe, biarlah kita djalan di sitoe; kita poenja kareta biar menoenggoe sadja di del Popolo; saja sendiri poen ada rasa baik djoega berdjalan di djalanan itoe soepaja boleh melihat, apa segala perintah jang saja telah briken, telah dilakoeken dengen betoel."

Di itoe waktoe satoe boedjang datang dan berkata pada graaf: »Toewankoe! di loewar ada satoe hamba gredja jang minta bertemoe pada toewankoe."

»O, akoe taoe siapa itoe," kata itoe graaf: »Toewan-toewankoe disilaken mengisap roko di kamar tetamoe; sebentar saja datang kombali padamoe."

Franz dan Albert lantas berbangkit dan berdjalan ka kamar tetamoe, sedang graaf de Monte-

Cristo djalan menoedjoe pada pintoe jang menemboes ka kamar loewar.

Sedang doedoek mengisap roko, Franz berkata pada Albert: »Bagimanakah rasa hatimoe aken ini graaf de Monte-Cristo?"

»Saja rasa," sahoet Albert: „dia itoe saorang lelaki tjakap jang hidoep besar dengen sapantasnja, jang soedah kenal banjak perkara dan telah banjak berpikir aken segala hal, dan lain dari bagitoe, ia ada poenja roko jang enak sekali rasanja "

»Tapi," kata poela Franz: »apa kaoe lihat jang graaf itoe ada memaudang padamoe seperti pada orang loewar biasa?"

— »Memandang tjara bagitoe kapadakoe?"

— »Ja."

— »O, saja rasa, saja taoe djoega apa lantaranja itoe. Soedah ampir satoe tahun berlaloë, sa dari saja kaloewar dari Parijs; saja poenja pakéan tantoe sekali tida teritoeng lagi paja modo baroe. Itoe graaf ada sangka, jang saja ini saorang desa. Saja harap, sobatkoe! kaoe nanti bri taoe padanja, jang sangkaännja ada salah sekali."

Franz tersenjoem dan di itoe waktoe graaf de Monte-Cristo mendatangi kapadanja.

»Sekarang saja sadia kombali aken melajani kaoe, Toewan toewankoe!" kata graaf itoe: »Kita poenja kareta nanti djalan di soewatoe djalanan aken pergi ka del Popolo, sedeng kita djalan ka sana



dengen meliwayat di djalan-an lain jang penoeh dengan karameean. Isikenlah roko ka dalam dompetmoe, Toewan de Morcerf!"

"Dengan soeka hati," sahoet Albert sambil mengambil beberapa roko: "kerna roko jang saja dapat beli di sini, ada djelek sekali; kaloe kaoe datang di Parijs, saja nanti poélangken roko ini padamoe."

"Itoelahi saja tida tampik, sahoet itoe graaf: saja poen ada niatan aken pergi ka sana, dan dari sebab kaoe oendang padakoe, saja nanti me-nyetok pada pintoemoe. Sekarang marilah kita berangkat djalan, Toewan-toewankoe! kerna soedah ampir tengah hari."

Marika bertiga itoe lantas kaloewar dari kamar dan toeroen dari loteng. Koesir dapat perintah aken bawa kareta dan menoeggoe di del Popolo, sedang graaf de Monte-Cristo serta tetamoe-tetamoe-nja itoe berdjalan di djalan-an Frattina. Tempo sam-e di dekat astana Rospoli, Franz melihat pada djendela-djendelanja gedong itoe. Ia tida loepa sama pertandaan jang telah diseboet oleh itoe orang asing kapada orang Transtevero di dalam Coliseum.

"Jang mana kaoe poenja djendela?" kata Franz pada graaf de Monte Cristo.

"Itoe tiga jang paling oedjoeng," sahoet graaf itoe. Franz melihat pada djendela-djendela itoe. Jang di sabelah pinggir, kiri-kanan, ada pake koelamboe koehing, sedang jang di tengah ada pake koelam-

boe poetih dengan saleb merah. Njatalah jang itoe orang asing di Coliseum telah pegang betoeldjan djinja jang ia briken pada itoe orang Transtevero; njatalah djoega, bahoewa orang asing itoe betoel graaf de Monte Cristo adanja.

Pada sapandjang djalan ada kalihatan banjak sekali orang bekerdja: ia-orang bikin panggoeng ketjil-ketjil pada pinggiran djalan dan pasang koelamboe pada djendela-djendela. Orang-orang jang nanti djalan bersoeka soeka di itoe djalan-an kara-jaän, samoewa nanti pake topeng dan pake pakean loewar biasanja; tapi sekarang marika itoe belon kalihatan, kerna pada sabelon lontjeng besar di-boenjiken, ia-orang tida boleh datang di djalan-an, lebih lagi ia-orang poenja kandaraän-kandaraän. Orang-orang itoe ada menoeggoe waktoe di belakang djendela-djendela, sedang kandaraän ada menoenggoe di dalam gang dan lain-lain tempat.

Mingkin dekat pada tanah-lapang del Popolo, mingkin banjak orang berkoempoel gercemoetan. Di tengah tanah-lapang itoe ada kalihatan bale hoekoeman dan di atas bale ini, rada satoe balok melintang jang tertendoeng dengan doewa tiang, ada kalihatan satoe piso besar jang berkilap dan berat, dan bakal dipake koetoengken lehernja orang dengan didjatohken atawé dilangsoerken dengan terkoenjoeng-koenjoeng.

Di tikoengan djalan ada berdiri hambarja graaf de Monte-Cristo jang menoenggoe datangnja ia

poenja toewan. Itoe djendela jang telah disewa dengan sewaan besar, ada pada tingkatan-roemah jang kadoewa, jaitoelah djendelanja satoe kamar jang besar djoega. Di atas bebrapa korsi di kamar itoe ada bebrapa prangkat pakean soetra poetih dan blao, aken dipake oleh orang-orang jang bakal djalan di karajaan.

Satelah sampe di dalam kamar itoe, graaf de Monte-Cristo berkata pada tetamoe-tetamoenga, jang ia soedah soeroeh sadiaaken pakean-pakean itoe aken goena marika.

Franz dan Albert memanggoet, laloe melihat ka tanah-lapang. Franz baroe sekali taoe lihat bale hoekoeman.

Doewa orang ada berdoedoek di atas itoe bale, di mana soedah banjak kali orang hoekoeman direbahken dan dikoetoengken lehernja. Sambil berdoedoek di itoe tempat, orang-orang itoe makan roti dan tjoetjis; satoe dari marika itoe mengangkatken satoe papan dan mengaloewarken dari bawah papan itoe satoe botol anggoer, jang ia-orang lantas minoem dengan berganti, kerna ia orang minoem tida dengan pake gelas. Marika itoe pembantoenga algodjo; tapi Franz jang lihat marika itoe bisa makan-minoem dengan enak di itoe bale hoekoeman, ada merasa sangat tida enak, hingga keringat djadi kaloewar pada antero badan.

Orang-orang jang bakal terhoekoem, dan kamarin sore telah dibawa dari pandjara ka dalam satoe

geredja ketjil nama St. Maria, di tepi tanah-lapang del Popolo itoe, telah menginap di satoe kamar, di dalam itoe geredja, dengan ditemani oleh doewa pandita jang hiboeri hatinja.

Doewa baris soldadoe jang herdiri seperti pagar moelai dari pintoe geredja sampe di bale hoekoeman, ada terbitken satoe gang, aken orang-orang hoekoeman berdjalan ka bale itoe, sedang itoe bale ada teridar dengan barisan soldadoe. Di loewar itoe tampat jang teridar, ada berkoempoel banjak sekali orang-orang lelaki dan prampoewan jang ingin nonton, dan di antara prampoewan-prampoewan itoe ada banjak djoega jang menggendong anak. Di antara marika jang geroemoetan itoe ada rioeh sekali terdengar soewara orang jang mengomong, jang tertawa dan bersoerak. Maka benarlah kaloe dibilang, bahoewa hal djalanken hoekoeman mati di itoe hari ada djadi moelanja karamean.

Dengan terkoenjoeng koenjoeng soewara jang rioeh itoe berenti sama sekali, dan pintoenja itoe geredja St. Maria dibookaken. Satoe pandita dan sakawan hamba geredja jang masing-masing ada membawa satoe lilin berapi, kaloewar paling doeloe dari geredja itoe. Itoe hamba-hamba geredja ada berkoedoeng, hingga ia-orang poenja moeka tida sekali kalihatan; kerna pada kekoedoeng itoe melenken ada doewa lobang ketjil di betoelan mata.

Di belakangnya itoe hamba-hamba geredja ada

djalan sorang tinggi besar, jang boleh dikataken saparo telandjang: ia poen ada pake sadja tjelana linnen jang pendek; pada ikatan pinggangnya di samping kiri ada bergantoeng satoe golok besar, dan pada poendaknya jang kanan ia ada pikoe satoe linggis besi jang besar. Orang inilah algodjo adanja. Kakinja tida pake sepatoe, hanja pake teroempah jang di-ikatken pada betis di betoelan mata kaki. Di belakang ini algodjo ada djalan si Peppino, dan di belakang orang ini djalan si Andrea. Masing-masing marika ini ada terpimpin oleh doewa pandita.

Peppino ada berdjalan dengan tetap; tantoe sekali ia soedah mendapat kabar dari hal apa jang orang soedah perboewat aken goenanja. Andrea ada berdjalan limboeng, hingga doewa pandita jang pimpin padanja, misti pegangi bahoë tangannja, Kadoewanja orang hoekoeman itoe menjioem seben-tar-bentar pada kajoe salib ketjil jang diadepkèn padanja oleh pandita.

Tempo dapat melihat pada orang-orang hoe-koeman itoe, Franz merasa goemetar di loetoet, dan ia lantas menengok pada Albert. Ini sobat ada poetjet sekali, dan memboewangken ia poenja roko, maskipoen roko ini baroe terisap sedikit sadja. Melinken graaf di Monte-Cristo sendiri ada tinggal senang sabagimana biasa; malah moekanja jang memang poetjet, ada kalihatan merah sedikit. Ia poenja hidoeing djadi megar, salakoe hidoeingnya

heiwan alas jang membaoe darah, dan ia poenja moeloet jang terboeka sedikit, kasih lihat gigi poetih jang tadjam-t-djam. Tapi sedang ada demikiun halinja, graaf itoe ada berlakoe manis sekali.

Sedang bagitoe, itoe doewa orang hoekoeman soedah datang dekat pada bale hoekoeman, dan mingkin marika datang dekat, mingkin tegas ka-lihatan roepanja. Peppino ada satoe lelaki moeda jang tjakap, oemoernja didoega doewapoeloeh ampat atawa doewapoeloeh anem tahun, sorot matanja ada kalihatan liar, koelitja ada berwarna hitam-manis

Andrea ada kate dan gemoek; roepanja ada kalihatan seperti berhati kedjam; oemoernja dikiralebih dari tigapoeloeh tahun, dan salagi ada terpendjara ia tida tjoekoeri brewoknjá. Ia djalan dengan kaki lemas dan kapalanja ada miring ka atas poen-dak, seperti lehernja soedah hilang koewatnja.

»Saja ingat,» kata Franz pada graaf de Monte-Cristo: »kaoe telah bilang padakoe, bahoëwa melinken saorang sadja jang nanti djalanken hoekoeman mati.»

»Apa jang saja bilang, itoelah perkara benar,» sahoet itoe graaf.

—»Tapi toch sekarang ini ada doewa orang jang bakal dihoekoem.»

—»Ja, tapi itoe satoe orang hoekoeman aken dapat kamatiyan, dan itoe jang lain boleh hidoe lama lagi.»

»Saja rasa, kaloe ada koernia, ini koernia soe-pah misti datang."

»Memanglah dia datang; lihatlah!"

Benarlah katanya graaf itoe. Pada waktoe Peppino sampe ka depan bale hoekoeman, datanglah satoe hamba geredja dengan mendesak di antara soldadoe-soldadoe jang tiada tjegahken padanja, dan setelah sampe ka hadepan kapala gredja, ia serahken satoe soerat. Ini pandita boeka soerat itoe, laloe batja boeninja dan lantas berkata dengan soewara njaring:

»Sembahkenlah soekoor kapada Allah dan poedji kapada Radja Pandita! Pada satoe orang hoekoeman ada dibri koernia!"

»Ada kcernia!" kata orang banjak bersama-sama:
»ada koernia!"

Andrea djadi kaget dan mengangkat kapala, laloe berkata: »Ada koernia! — boewat siapa?"

Peppino tinggal berdiam dengan hati berdebar.

»Ada dibri koernia pada Peppino alias Rocca Priori: orang ini dibri ampoen dari hoekoeman mati!" kata poela itoe pandita dan ia lantas briken itoe soerat koernia kapada kapitein soldadoe, jang sasoedahnja membatja itoe, laloe poelangken itoe kombali pada pandita.

»Koernia boewat Peppino!" kata Andrea jang telah djadi kaget dan tida bisa boeka soewara di dalam sedikit waktoe: »Mengapatah ada koernia aken dia dan tida ada aken akoe? kita orang misti

mati bersama-sama! Orang telah djandijken pada-koe, bahoewa Peppino nanti mati lebih doeloe dari padakoe! Orang tida ada poenja hak lagi aken boenoeh akoe sendiri sadja! Akoe tida maoe mati sendiri! akoe tida maoe!"

Sambil bilang bagitoe, ia memegang keras pada pandita jang pimpin dia, dan sambil triak-triak ia merontak rontak aken poetoesken tali ikat-n tangan. Algodjo kedipin ia poenja doewa pembantoe, jang lantas melompat dari bale hoekoeman dan memegang pada Andrea.

»Ada perkara apa?" kata Franz kapada graaf; kerna segala soewara jing didengar olehnya di antara orang banjak, ada bahasa pasar jang ia tida kenal baik.

»Kaoe tida mengerti apa jang telah djadi?" sahoet itoe graaf: »Itoe orang hoekoeman jang misti berangkat mati, ada marah sekali, sebab Peppino tida mati bersama-sama dia, kaloe orang biarken dia itoe, tantoe sekali ia soweke-soweke si Peppino dengan gigi dan koekoe, sebab tida soeka si Peppino tinggal hidoe, sedang dia misti mati.— O, manoesia! manoesia!" kata graaf itoe sambil mengangkat doewa kepalan di atas orang banjak jang geroemoetan di tanah lapang: »akoe kenali sifatmoe jang tida bisa berubah!"

Andrea serta doewa pembantoe algodjo ada bergeneling-goeling di tanah, dan Andrea itoe ada triak-triak: »Dia misti mati! akoe maoe dia mati!

orang tida ada poenja hak aken boenoeh akoe sendiri sadja!"

»Lihat! lihat!« kata graaf dengan pegang tangannya Franz dan Albert: »lihatlah itoe orang jang soedah maoe trima hoekoemannja, jang soedah djalan hamperi bale hoekoeman, kendatipoen dengan ditoentoen orang. Kaoe taoe, hal apa jang terbitken kakoewatan hatinja aken trima hoekoeman? kaoe taoe, apa jang hiboeri hatinja itoe? Jaitoelah sebab lain orang ada bertjilaka sama-sama dia, dan misti mati sama-sama dia. O! saande doewa kambing atawa doewa sampi dibawa ka djagal dan kaoe bisa kasih mengarti padanja, bahoewa satoe kambing atawa satoe sampi tida djadi disembeleh, tantoe sekali jang bakal tersemeleh itoe merasa girang, oleh kerna satoe teman tida djadi diboenoeh. Tapi orang manoesia! orang manoesia jang dibri roepa sama dengan roepanja Allah, orang manoesia jang telah dapat titah soetji, soepaja tjintai sasama manoesia, apatah dia berkata, kaloe dengar kabar jang sasamanja terlepas dari kabin-saan? It mengoetoek! ia menjoempahi! O, bagoes sekali!«

Sahabis berkata bagitoe, graaf itoe tertawa berkekakan; tapi lakoenna tertawa itoe ada bri njata, jang hatinja ada merasa aint doeka.

Sedang bagitoe, Andrea dan pembantoe-pembantoenja algodjo masih djoega beroelat-goelat. Doewa pembantoe itoe seret Andrea ka bale hoe.

koeman, dan orang banjak triak-triak kengan keras, katanja:

»Boenoeh dia! mampoesin dia!«

Franz moendoer bebrapa tindak, tapi graaf de Monte-Cristo tarik dia ka djendela.

»Mengapatah kaoe moendoer?« kata graaf itoe: »apa kaoe merasa kasihan? Saja rasa, kaoe poenja rasa kasihan ada datang boekan pada temporja. Saande kaoe melihat satoe andjing gila, tantoe sekali kaoe lantas pergi ambil sinapan dan tembak kapalanja dengan tida merasa kasihan, sedang salahnja andjing itoe tiada lain, hanja telah digigit oleh andjing gila dan dia sendiri menggigit pada andjing lain, sabagimana ia telah digigit; tapi sekarang kaoe maoe merasa kasihan pada sa orang jang tida soedah digigit orang, hanja soedah memboenoeh pada orang jang paliharaken dia saperti anak, dan sekarang ini, dari sebab tida bisa memboenoeh lagi, ia ingin melihat sasamanja diboenoeh orang. Djangan moendoer, hanja lihatlah!«

Tida perloe Franz itoe dipaksa aken melibat, kerna sekarang ia ada berdiri diam seperti terpakoe pada papannja loteng.

Itoe doewa pembantoenja algodjo soedah dapat seret si Andrea ka atas bale hoekoeman, dan maskipoen orang hoekoeman ini merontak-rontak sambil menggigit dan triak triak, ia dapat dipaksa aken berloetoet, sedang algodjo ada memegang linggis di sampingnya. Tempo algodjo itoe membi satoe

tanda dan pembantoe-pembantoenja itoe lepaskan si Andrea, lantas sadja orang hoekoeman ini maoe berbangkit; tapi baroe sadja ia bergerak, algodjo kemplang kapalanja dengan linggis, hingga ia lantas djatoh mengkoeroep; tapi dari sebab terbanting keras, badannya djadi bergeeling dan djadi tjelentang. Algodjo lepaskan linggis, laloe tjaboet piso besar dan godot lehernja si Andrea; komoedian ia mandjat ka atas peroet Andrea itoe dan indjak-indjak itoe, hingga tiap kali ia mengindjak, darah djadi moentjrat ka atas dari leher si Andrea.

Franz tida bisa tahan aken melihat lebih lama lagi; ia moendoer kombali dan boewang diri ka atas satoe korsi, di mana ia berdiam salakoe orang jang pangsan.

Albert tinggal berdiri sembari meram dan memegang pada koelamboe djendela; saände tida memegang pada barang itoe, brangkali dioega ia djatoh.

Graaf de Monte Cristo tinggal berdiri dengan gagah.

XXXIX

KARAJAAN DI KOTA ROME.

Tempo Franz sedar kombali, ia melihat Albert jang lagi minoem sagelas ajer dingin aken tetapken hati, dan graaf di Monte Cristo jang soedah pake-pakean aken menjaroë. Tempo ia melihat ka tanah lapang, is tida dapat lagi lihat bale hoekoeman, algodjo dan orang hoekoeman, kerna samoewa itoe soedah tida ada di sitoe; jang kalihatan oiehnja sekarang ini, melinken orang banjak jang bersoerak-soerak.

»Ada apatah sekarang?« ia menanja pada graaf.

»Tid. ada lain; melinken karamean: lontjeng besar poen telah diboenjiken. Biarlah sekarang kita menjaroë.«

— »Ja, sekarang ada karajaan sadja; perkara jang ngeri itoe soedah tida kalihatan, melinken ada kaingatan olehkoe seperti satoe impian.«

— »Memanglah hal itoe ada sama dengan satoe impian jang soedah mengganggoë kasenangan-moe.«

— »Ja, tapi aken itoe orang hoekoeman?«

— »Aken dia poen hal itoe ada sama sadja dengan satoe impian, tjoemah sadja ia tida sedar kombali,

seperti kaoe; siapatah bisa bilang sekarang, siapa ada lebih enak di antara kaoe dan dia?"

— »Apatah telah djadi dengan Peppino?»

— »Peppino ada tjerdk sekali; ia tida goesar, sebab orang loepa padanja, hanja soeka hati oleh kerna samoewa orang melihat sadja pada Andrea. Sedang orang loepa padanja, ia djalan mendesak di antara orang banjak, laloe teroes mengilang, dengan tida bersoekoer doeloe pada pandita-pandita jang pimpin dia. Memang telah tersohor, jang menoesia tida sekali ada poenja penerima... Tapi biarlah sekarang kaoe berpake-pake; lihatlah, toewan de Morcerf telah sadia di hadepanmoe."

Dengan sabenarnja djoega ada sabagimana telah dikataken oleh graaf itoe.

Franz lantas toekar pakean, laloe pake djoega satoe topeng, sabagimana Albert dan itoe graaf. Satelah samoewa telah menjaroe, marika itoe lantas toeroen dari loteng; kareta telah sadia di depan pintoe, dan di dalam kareta itoe ada banjak keinbang dan lain lain barang, sabagimana jang memang biasa terpake di karajaän itoe, jang kita seboetken sadja di sini *karajaän bertopeng*, kerna samoea orang jang bersoeka soeka di dalam itoe karajaän ada menjaroe dengan pakean dan dengan pake topeng.

Apa jang kalihatan di itoe waktoe, ada soesah ditjeritaken. Soewara soerak dan tertawa ada teramat rioeh, sedang riboean orang ada kalihatan

meseraboetan. Dari segala pintoe ada kaloewar orang-orang bertopeng, dan dari segala gang ada datang kareta-kareta jang moewat pandita-pandita, radja-radja, palawan-palawan, poetri-poetri, orang-orang desa dan lain-lain; samoewa orang itoe ber-soerak-soerak dan saling timpoek satoe sama lain dengan koelit telor berisi tepoeng, dengan boewah-boewah dan kembang-kembang dan lain-lain barang ketjil; tida saorang boleh marah atawa mengomel, dan tida ada saorang berboewat lain dari menimpoek, bersoerak-soerak dan tertawa.

Albert dan Franz ada kalihatan seperti orang berhati doeka; tapi sasoedah berselang sakoetika, ia orang merasa djoega ingin toeroet saling timpoek; kerna saraoep boewah-boewah jang ditimpoekken pada ia-orang dari dalam kareta lain, ada melanggar pada moekanja Albert jang pake topeng, dan boewah-boewah itoe djadi petjah dan mengotori pakean Albert dan kawannja.

Sambil tertawa Albert itoe lantas berdiri di dalam kareta, mengambil telor-telor dan kembang goela, dan timpoekken itoe pada moekanja orang-orang di kareta lain. Dari itoe waktoe tiadalah poeties ia-orang saling timpoek, hingga segala perkara ngeri jang ia-orang telah liha tadi, simoewa djadi kaloepaan.

Djalanan, di mana ada karamean itoe, adi lebar sekali dan pada pinggirnya kanan-kiri adi berbaris roemah-roemah besar jang beringkat ampat atawa

lima, sedang segala loteng gantoeng dan djendela ada terhias bagoes dan ada penoeah dengan orang roepa-roea, a bangsa dari segala tampat.

Boekan sadja orang-orang jang berkareta ada saling timpoek satoe pada lain, hanja prampoewan-prampoewan eilok jang ada di segala loteng gantoeng dan djendela, ada me nimpoeki djoega pada orang-orang di dalam kandaraän, dan orang-orang ini poen balas menimpoek ka atas, hingga oedara djadi penoeah dengan topoeng jang tersiar dan dengan kembang goela dan kembang-kembang jang djatoh seperti hoedjan. Adapoen topeng-topeng jang terpake di antara marika jang bersoeka-soeka itoe, boekanlah sadja topeng-topeng jang diroepaken moeka manoesia, hanja ada banjak djoega jang diroepaken binatang, hingga banjaklah orang jang kalihatan seperti sampi, monjet biroe-wang dan lain-lain heiwan berbadan orang.

Pada sasoedah kareta liwat sadjalan dan dibalikken, graaf de Monte-Cristo minta idsin aken berlaloe dari kareta, sambil silaken Franz dan Albert aken pake kareta itoe sapoewas hati. Franz menengok ka atas, laloe dapat taoe jang ia ada di depan astana Rospoli. Pada djendela di loteng jang pake koelamboe poeth dan salib merah, ada kalihatan satoe anditah berpakean biroe, dan Franz mendoega, jang pandita itoe tanto sekali si nona Griek jang eilok, jang ia soedah taoe lihat ada bersama-sama graaf de Monte-Cristo di roemah komedi.

Simbil toeroen dari kareta, graaf itoe berkata pada Franz dan Albert: »Toewan-toewankoe! djika angkaoe soedah tjape berkandaran dan maoe djadi penonton sadja, angkaoe boleh pake djendela-djendelakoe di roemah ini, sabagaimana saja telah bilang djoega kapadamoe; sabelon hendak djadi penonton, pakelah ini kareta sasoekamoe, seperti tadi saja soedah bilang.«

Kita loepa seboetken, bahoewa koesirnja kareta graaf itoe ada pake koelit biroewang pada antero badan, sedan; doewa boedjang jang berdiri di belakang kareta, ada menjaroe monjet hidjo.

Sedang Franz membilang trima kasih kepada graaf, Albert ada riboet saling timpoek dengan kembang sama sakareta nona-nona jang berpake tjara prampoewan-prampoewan desa; tapi sigralah djoega kareta nona-nona itoe dan karetanya Albert meliawati satoe sama lain.

»Apa kaeo lihat, Franz!« kata Albert: »itoe satoe kareta jang berisi penoeah dengan nona-nona desa?«

»Tida,« sahoet Franz.

— »Saja rasa nona nona itoe ada berparas eilok.«

— »Sajang sekali kaeo ada pake topeng; di ini wakoe baik sekali kaeo kasih lihat roepamoe pada orang, kaloe kaeo ingin ada nona merasa tjinta padamoe.«

— »Saja harap nanti dapatken itoe, pada sabelon habis karajaän ini.«

Tiga atawa ampat kali Albert bertemoe kombali sama itoe nona-nona sakareta. Pada satoe pertemoean Albert poenja topeng terdjatoh; brangkali djoega Albert sengadja djatohken itoe, kerna ia tida lantas poengoet kombali, hanja lantas merabah pada kembang-kembang jang masih ada, dan timpoekken ini samoewa kapada itoe nona-nona.

Sebentar lagi, tempo Albert bertemoe kombali sama itoe nona-nona, satoe dari marika itoe menimpoeck dengan kembang haloes saikat kapada Albert, jang lantas poengoet kembang itoe dan tantjapken di lobang kantjing badjoe, sedang karetakaretak meliwati satoe sama lain.

»Tah, itoelah satoe tandanja katjintaän!“ kata Franz sambil tertawa.

»Kaoe boleh tertawa sabrappa soeka!“ kata Albert dengan tersenjoem: »saja poen ada mendoege seperti kaoe. Ini saikat kembang saja tida maoe lepaskem.“

»Memang!“ kata poela Franz: »kemlang itoe poen ada djadi satoe pertandaän aken orang kenali kaoe!“

Marika itoe mengomong sambil memain; tapi sigra djoega ada kalihatan, seperti kemhang saikat itoe ada djadi satoe pertandaän dengan sabenarnja; kerna tempo Albert bertemoe kombali pada si nona jang telah timpoekken kembang itoe, nona ini menepok tangan, oleh kerna melihat kembangnya tertantjap di lobang kantjing.

»Bagoes! bagoes! sobatkoe!“ kata Franz: »sekarang moelai seda kalihatannya! Apa kaoe maoe saja berlaloe, sobat? Tidakah kaoe ingin ada sendirian sadja di kareta ini?“

»Tida!“ sahoet Albert: »djangalanlah kaoe berlaloe, djangalanlah kita memboeroe napsoe. Saja tida maoe kena terpelet dengan lekas. Kaloe itoe nona soeka teroesken hal ini, di hari esok ia nanti tjari pada kita, laloe kita nanti lihat apa jang nanti djadi.“

»Itoelah satoe kanjataän, jang kaoe ada tjerdk dan berati-ati!“ kata poela Franz: »maka kaloe nona itoe beroentoeng dapat lilit kaoe dengan ramboetnja, itoelah satoe tanda jang ia amat berboedi.

Lama lagi Albert dan Franz berkandaran moendar-mandir di itoe tampat karajaän, tapi ia-orang tida bertemoe kombali sama itoe nona-nona desa sakawan.

Tempo ia-orang balik kombali ka astana Rospoli, graaf de Monte-Cristo tida di sitoe; itoe pandita berpakean biroe poen soedah tida di itoe tampat.

Di itoe waktoe terdengar kombali boenjinja lon-tjeng besar jang diboenjiken aken britaoe, bahowea karameen misti brenti. Sekalian kareta lantas berlaloe ka dalam gang jang ada di sana sini; Albert dan Franz berkandaran poeleng, dan disamboet oleh toewan Pastrini di depan pintoe.

Franz menanjaken di mana adanja graaf de Monte-Cristo, dan Pastrini lantas britaoe, bahowea

graaf itoe soedah soeroeh pasang lagi satoe kareta, dan pada poekoel ampat ini kareta soedah pergi ambil graaf itoe di astana Rospoli. Pastrini britaoe djoega jang graaf itoe ada kirim koentji rowangan roemah komedi, jang aken diserahkan pada Franz dan Albert.

Franz menanja, kaloe Albert hendak menonton, tapi Albert ada poenja niatan lain.

»Apa kaeo boleh toeloeng panggil satoe toekang pakean?» kata Albert pada Pastrini.

»Satoe toekang pakean?» sahoet Pastrini; »boewat bikin apa?»

»Boewat bikini kita pakean orang desa, jang kita maoe pake di hari esok.»

»Bikin doeua perangkat pakean boewat di hari esok!» kata Pastrini sambil gojang kapala. »Maaf, Toewankoe! itoelah satoe perkara jang tida nanti bisa djadi; kerna di dalam tempo delapan hari, teritoeng dari sekarang, tida ada satoe toekang pakean nanti maoe bekerdja, kendatipoen dibri bajaran satoe oewang emas aken pasang satoe kantjing.»

»Kalo bagitoe, kita misti boewangken niatan kita?»

»Tida; kerna pakean jang dikahendaki itoe, traoesah dibikin doeloe, sebab memang telah ada sadia. Saja nanti adaken barang-brang itoe aken dipake esok pagi oleh toewan berdoewa.»

»Kalo bagitoe,» kata Franz pada Albert; »biar

ah kita serahken sadja hal itoe pada toewan Pastrini, dan kita orang berdoedoek makan dengan senang hati; habis makan, kita orang pergi non-ton komedi.»

Komedian Franz dan Albert itoe naek ka loteng Tempo Albert boeka pakean, ia simpan baik-baik itoe saikat kembang haloes jang tadi tertantjap di lobang kautjing; kerna kembang itoe misti djadi satoe pertandaan aken di hari esok.

Sasoedahnja seleseh Franz dan Albert itoe makan dan minoem, boedjangnya graaf de Monte-Cresto datang menanja padanja, di waktoe poekoel brapa ia orang maoe pake kareta.

Franz dan Albert menengok satoe pada lain, salakoe ada, merasa koerang enak aken pake lagi orang poenja kareta. Si boedjang mendoega apa jang adi di hati marika itoe, dan lantas sadja berkata p oela:

»Graaf de Monte-Cristo telah membri perentah dengan pasti, bahoewa kareta misti disadiaken boewat toewankoe berdoewa pake di dalam antero hari; maka djanganlah toewankoe maloe maloe aken pake itoe!»

Franz lantas meminta, soepaja kandaraan itoe lantas disadiaken di depan pintoe pada waktoe itoe djoega. Komoedian ia dan Albert lantas pergi berpake-pake di kamar. Sebenter lagi ia orang soedah ada di roemah komedi Argentine, berdoedoek di dalam rowangan poenjanja graaf de Monte-Cristo.

Tempo komedi soedah main sebentaran, gravin G... datang ka dalam rowangannja sendiri, dan satelah berdoedoek, lantas sadja ia melihat pada rowangannja lelaki poetjat, jaitoe gr.aaf de Monte-Cristo, jang ia lihat pada kamarin malam; ia tida dapat lihat pada itoe lelaki, hanja dapat lihat Franz dan Albert di rowangan itoe.

Franz merasa, jang tentoe sekali gravin iteengin tanja apa apa kapadanja, maka lantaslah djoega ia dan Albert berdjalanan mengamperi. Baroe sadja ia orang sampe ka dalam rowangannja gravin, lantaslah djoega gravin silaken ia-orang berdoedoek, dan sebelon ia orang sempat berdoedoek betoel, gravin berkata kepada Franz:
»Lekas amat kaoe soedah berkenalan sama itoe toewan poetjat, hingga sekarang kaoe telah djadi ia poenja sobat baik."

»Haroeslah saja berkata, Njonja gravin!" sahoet Franz itoe: »bahoewa sabelon kita-orang menjadi ia poenja sobat baik, sabagimana dikataken olehmoe, kita-orang soedah trima dari padanja tandatanda persobatan di dalam antero hari."

- »Di dalam antero hari?"
- »Ja."
- »Bagimanatah itoe?"
- »Itoelah satoe hikajat pandjang."
- »Jng kaoe nanti tjeritaken padakoe?"
- »Saja kawatir kaoe nanti djadi lebih merasa takoet, kaloe saja tjeritaken itoe."

—»Itoelah soewatoe lantaran aken saja djadi lebih merasa kapingin dengar kaoe poenja tjerita."

—»Baiklah kaoe menanti, sampe hikajat telah sampe pada achirnja."

—»Baiklah; saja poen soeka dengar tjerita dari awal sampe pada achirnja. Tapi tjara bagimana-tah kaoe ini djadi berkenalan sama dia itoe? Siapatah jang adepkene kaoe kapandanja?"

—»Ia sendiri datang padakoe, di waktoe saja soedah antarken kaoe poelang pada kamarin sore."

—»Dengan toeloengan siapa ia datang padamoe?"

—»Dengan toeloengannya toewan Pastrini."

—»Kaloe bagitoe, ia mondok di hotel »London," di mana kaoe djoega ada mondok?"

—»Boekan sadja ia ada sama-sama saja di dalam hotel itoe, hanja di atas satoe tingkatan djoega."

—»Siapatah namanja orang itoe?"

—»Graaf de Monte-Cristo."

—»Orang apatah itoe? Namanja itoe boekan nama toeroenan."

—»Boekan: ia poen bergelar bagitoe oleh kerna namanja satoe poelo jang dibeli olehnya."

—»Padz orang matjam apatah dia itoe teritoeng?"

—»Hal itoe baiklah kaoe tanjaken pada burg-graaf de Morcerf."

—»Kaoe dengar sendiri, Toewan de Morcerf! Orang toelak saja kapada kaoe."

—»Kita haroes diseboet ada meminta terlaloe banjak, kaloe kita tiada mengakoe, bahoewa dia

itoe ada manis sekali, Njonja!" sahoet Albert kapada itoe gravin: »orang jang soedah djadi sobat kita sapeloeh tahan lamanja, tida nanti berboewat lebih banjak dari dia, aken goena kita, dan apa jang ia perboewat, semoewa ia perboewat dengan kalakoean manis dan sopan, jang memibri kanjataän bahoewa dia itoe orang bangsawan."

»Baik," sahoet itoe gravin dengan tersenjoem: »tapi kaoe nanti lihat, bahoewa si poetjet itoe boekan lain adanja, hanja saorang jang baroe djadi kaja dengan terkoenjoeng koenjoeng dan sekarrang maoe habisken kakajaänna. Apa kaoe soedah lihat lagi itoe prampoewan?"

— »Prampoewan mana?» kata Franz.

— »Prampoewan Griek jang eilok itoe, jang kamarin kaoe soedah lihat di sini."

— »Tida; kita rasa telah ada dengar djoega boenji taboean jang diboenjiken olehnya, tapi ia sendiri tida kalihatan."

— Tapi kaoe kira siapatah adanja itoe pandita berpakean biroe jang kalihatan pada djendela berkoelamboe poetih di gedong Rospoli?» kata Albert pada sobatnya.

— »Brapa djendela itoe graaf ada poenja di gedong itoe?» kata poela itoe gravin.

— »Apa kaoe telah djalan djeoga di djalan karajaän?"

— »Tantoe! siapatah tida berdjalan di sitoe pada ini hari?"

— »Kaloë bagitoe, kaoe ada lihat djoega itoe doewa djendela berkoelamboe koening dan satoe djendela berkoelamboe poetih di gedong Rospoli? Itoe tiga djendela ada poenjanja graaf itoe."

— »O, apa dia itoe ada kaja besar? kaoe taoe, brapa sewaänna tiga djendela bagitoe boewat delapan hari, jaitoe salama ada karajaän, lebih lagi djendela di itoe gedong Rospoli?"

— »Tiga atawa ampat ratoes oewang emas?"

— »Bilanglah doewa atawa tiga riboe oewang emas."

— »Adoeuh!"

— »Apa ia poenja poelo ada bri banjak atsil padanja?"

— »Ia poenja poelo tida sekali ada atsilnya."

— »Mengapatah dia beli itoe?"

— »Sebab ia soeka."

— »Brangkali ia ada poenja kabisaän aken bikin emas."

— »Sabernanya, saja sendiri poen adz merasa, bahoewa graaf itoe ada kalihatan lain sekali dari orang jang banjak."

Di itoe waktoe adat datang lain tetauoe kia dalam rowanganja itoe gravin; maka menoeroet adat, Albert kasihken tampatnya pada tetamoe itoe.

Satoe djiam komoedian, Franz dan Albert telah ada di roemah toewan Pastrini.

Pada hari esoknya di waktoe masih pagi, Pas-

trini datang ka dalam kamar Franz dan Albert itoe dengan teriring oleh satoe toekang pakean, jang membawa bebrapa perangkat pakean sabagimana jang biasa terpake oleh orang-orang desa di Italie.

Franz dan Albert masing-masing memilih sape-rangkat pakean itoe, dan sigra djoega ia-orang soedah pake itoe.

Baroe habis ia-orang berpake, graaf de Monte-Cristo datang dan berkata padanja:

»Toewan-toewankoe! maskipoen enak angkaoe bersoeka-soeka dengan ditemani, lebih enak lagi, kaloe angkaoe boleh bersoeka-soeka dengan me-noeroet kahendak sendiri sadja; sebab itoe saja datang kasih taoe padamoe, bahoewa di ini hari dan di lain-lain hari poen angkaoe boleh pake saja poenja kareta sasoekamoe. Toewan Pastrini brangkali soedah bilang djoega, jang saja ada poenja sadia bebrapa kareta; sebab itoe boleh sekali angkaoe pake dengan senang hati itoe satoe kureta jang kamarin, baik aken bersoeka soeka di k-rajaän, baik aken perkara lain. Kaloe kita satoe sama lain hendak bitjara apa-apa, kita orang boleh bertemoe di dalam astana Rospoli.»

Franz dan Albert hendak meminta maaf aken tampik itoe kareta; tapi ia-orang tida bisa membri sebab jang pantas, aken menampik itoe, maka djadilah ia trima sadja oendangan itoe.

Sakoetika lamanja, graaf de Monte-Cristo itoe doedoek berkata-kata dari banjak perkara, dan dari

pada bitjaranja adalah djadi kataoean, jang dia itoe ada kenal banjak perkara dan roepa-roepa ilmoe.

Franz dan Albert tida brani oendang graaf itoe makan dan minoem bersama-sama, sabagimana graaf itoe telah taoe oendang marika; sebabnya graaf itoe biasa makan sahari-hari barang makanan ha-loes, dan makanan jang tersadia oleh Pastrini, tida demikian adanja. Ia-orang kataken dengan teroes terang hal ini kapada graaf de Monte-Cristo, dan graaf ini trima bitjara itoe, sabagimana orang jang mengarti orang poenja adat sopan.

Albert ada merasa enak sekali oleh kerna la-koenja itoe graaf jang ainat manis.

Sebab boleh pake teroes graaf itoe poenja kareta, Albert poen ada merasa amat girang; ia poen ada poenja niat'n rasia, dan sebab di hari kamarin itoe nona-nona desa ada pake kareta bagoes, Albert poen ingin djoega pake kareta jang boleh saingin karetanja nona-nona itoe.

Pada poekoel satoe setengah, Franz dan Albert toeroen dari loteng dan teroes naik ka kareta; ia-orang poenja koesir dan doewa pengkoet, jang memang ada pake koelit binatang, pake djoega pakeannja jang b'asa, hingga kalihatan seperti binatang jang berpake tjara manoesia Albert a la tantjapken ia poenja saikat kembang lajoe pada lobang kan-tjingnja badjoe

Satelah lontjeng besar diboenjiken, si koesir

poen lantas djalanken kandaraänja ka djalanan karajaän, dan sasoedah kandaraän itoe djalan saliwat dan dibalikken, saikat kembang haloës terlempar dari dalam satoe kareta jang berisi orang-orang prampoewan, dan kembang itoe djatoh ka depan Albert di dalam kareta, jaitoelah aken bri taoe, bahoewa kaloe Albert dan sobatnja telah toekar pakean, itoe nona-nona jang kamarin poen soedah toekar pakeannja, dan ia-orang kenali pada Albert oleh kerna adanja itoe kembang di lobang kantjing. Albert tjaboet itoe kembang jang lajoe dari lobangnya kantjing, laloe tantjapken di sitoe itoe kembang jang baroe ditimpoekken padanja dan masih segar. Sedang bagitoe, itoe kembang jang lajoe, ia tida boewangken, hanja pegang itoe di tangan, dan tempo karetanja saling liwati sama karetanja itoe nona-nona, ia tjioemi itoe kembang lajoe, hingga boekanlah sadja si nona jang telah lemparken kembang itoe, hanja sekalian kam'ratna poen djadi tertawa dan kalihatan girang sekali.

Di hari itoe poen ada ram sekali, brangkali djoega lebih rame dari pada di hari kamarin. Graaf de Monte-Cristo ada kalihatan sebentaran di djendela pada gedong Rospoli, komoedian ia tida kalihatan lagi.

Di waktoe sore, tempo Franz dan Albert poelang ka roemah-makan, Franz dapat trima satoe soerat dari oetoesan Frankrijk, dengan apa dibri

taoe, bahoewa pada hari esok Franz baleh datang mengadep kapada Radja Agama.

Pada tiap kali datang di kota Rome, Franz itoe poen meminta idsin aken datang mengadep sembahken hormat kapada itoe Radja atawa Paus, jang djadi penggantinja Petrus mengapalai hal agama Mesehi. Sebab itoelah di hari esok Franz tiada nanti bersoeka soeka di karajaän, hanja bersadia aken bersoedjoed di hadepannja itoe Radja Agama jang beroesia toewa sekali dan bernama Gregorius XVI.

Sasoedah poelang dari astana Radja Agama, Franz itoe poen tida datang pada tempat karajaän, hanja tinggal doedoek di dalam roemah, memikiri dengan hormat apa jang telah dikataken padanja oleh Paus jang soetji.

Pada waktoe sore, poekoel lima, Albert poelang dari karajaän dengan merasa senang sekali. Itoe nona jang telah lemparken kembang haloës kapanja, ada berpake kombali tjara prampoewan desa, dan tempo karetanja saling liwati sama karetanja Albert, nona itoe boekaken topengnya sakoetika, hingga Albert dapat lihat parasnya, dan ia ada eilok sekali.

Lakoenja nona itoe boleh terpandang seperti tanda katjintaän; sebab itoelah Franz memibri slamat pada sobatnja, dan Albert samboeti itoe dengan memanggoet dan tersenjoen. Albert berkata, bahoewa dengan memandang tingkanja nona

itoe, ia ada merasa, jang tantoe sekali nona itoe ada teritoeng pada orang-orang bangsawan, dan pada hari esok ia maoe tjoba toelis soerat kapada si eilok itoe.

Salagi Albert tjerita dari hal ini dan itoe, Franz ada merasa, seperti sobatnya hendak meminta apa-apa padanja, tapi takoet memboeka moeloet. Maka Franz itoe lantas meminta, soepaja sobatnya kataken sadja apa jang hendak dikata, dan ia djandji lebih doeloe. jang ia soeka sekali dan salamanja ada sadia aken berboewat apa apa bagi goenanja sobat. Sasoedah dipaksa-paksa sedikit, Albert lantas berkata, bahoewa Franz nanti bri kase-nangan besar kapadanja, kaloe di hari esok Franz biarken ia djalan berkandaran sendirian di karajaän.

Albert mendoega, jang ia poenja nona eilok soedah maoe boekaken topeng, dari sebab Franz tida ada bersama-sama, dan Franz tida ada poenja niatan aken djadi satoe sangkoetan di dalam Albert poenja perkara bertjinta-tjintaañ; lain dari bagitoe. ia sendiri ada merasa ingin taoe, bagimana nanti achirnja perkara itoe. Soedah bebrapa tahon ia sendiri ada djalan koeliling di tanah Italië, tapi belon sekali ia dapatken perkara begitoe roepa, seperti jang sekarang ada kalihatan bakal djadi saina Albert, dan ia adi taoe, jang Albert ada soeka mengomong banjak, hingga apa djoega jang nanti djadi, tautoelah djoega Albert nanti tjeritiken padanja dari awal sampe pada achirnja. Sebab

bagitoe, lantaslah sadja Franz itoe berdjandji, jang di hari esok ia maoe menonton sadja dari djendela di gedong Rospoli.

Pada hari esoknya Franz itoe melihat Albert berkandaran moendar-mandir dengan memegang kembang saikat besar, jang brangkali djoega ada di sertai dengan soerat kiriman. Sebentar lagi Franz lihat kembang itoe ada terpegang oleh saorang prampoewan jang berkandaran sama-sama bebrapa teman.

Di waktoe sore Albert ada merasa-amat girang, kerna ia mendoega dengan pasti, jang ia poenja nona eilok nanti membri penjahoetan jang terba-wa djoega oleh saikat kembang.

Aken djadi senangnya Albert, Franz britaoe pada sobatnya itoe, bahoewa di hari esok poen ia tida maoe toeroet bersoeka-soeka di karajaän, kerna ada banjak perkara jang ia misti toeliskan didalam boekoe peringatan.

Albert tida salah mendoega, jang ia nanti dapat penjahoetan dari si nona eilok; kerna pada hari esoknya ia ditang pada Franz dengan membawa sapoetjoek soerat.

"Lihatlah inil! apa saja telah salih mendoega?" katanja kapada Franz.

"Ja membri penjahoetan?" kata Franz.

"Batjalah soerat ini."

Franz ambil soerat itoe, laloe membatja bagini:

"Pada hari Slasa sore, poekoel toedjoeh, biarlah

kaoe toeroen dari karetamoe di via Pontefici dan lantas djalan mengikoeti satoe prampoewan moeda, jang rampas kaoe poenja lilin. Kaloe kaoe sampe ka depan tangganja geredja San Giacomo, tjatatalah sapotong pita dadoe pada poendakmoe, soepaja itoe nona moeda nanti kenali kaoe. — Sampe pada waktoe, kaoe tida nanti dapat melihat lagi padakoe. Biarlah kaoe berhati satisa dan teetoep rasia.”

»Apalah kaoe poenja kira, sobatkoe?“ kata Albert kapada Franz, sasoeahnja sobat ini habis membatj.

»Saja rasa, kaoe poenja perkara ada djadi perkara enak sekali,“ sahoet Franz.

»Saja poen rasa bagitoe,“ kata poela Albert: »sebab bagitoe, adalah saja rasa djoega, jang kaae nanti pergi sendiri sadja pada hertog de Brociano jang telah oendang kita-orang ka dalam perdjamoean di astananja.“

»Djangan kaoe berpikiran salah, sobat!“ kata poela Franz: »sekalian orang bangsawan di kota ini nanti datang ka perdjamoean hertog itoe, maka kaloe betoel kaoe poenja nona eilok ada teritoeng pada orang bangsawan, tantoe sekali ia tida nanti tinggal diam di roemah sendiri, hanja datang djoega di perdjamoean.“

»Ia datang, atawa tida datang di itoe perdjamoean, saja poenja pikiran atas hal dia itoe, tida nanti berubah,“ sahoet Albert: »Kaoe soedah ba-

tja ini soerat, dan tida oeroeng kaoe merasa, bahoewa orang hina-dina tida nanti bisa menoeis bagini baik.“

Dengan sabenarnja djoega soerat itoe tida sekali ada katjelahannja: baik atoeran perkataannja, baik edja perkataannja tida sekali ada jang tertjiwa.

»Ja, haroes saja berkata, jang kaoe ada amat beroentoeng di dalam pertemoeanmoe,“ kata poela Franz sambil tersenjoem.

»Tersenjoemlah dan tertawalah sabrappa jang kaoe soeka!“ kata Albert: »saja ada merasa birahi, merasa tjinta pada orang!“

— »Adoeh! kaoe bikin saja kaget, sobat! Sekarang saja rasa, boekanlah saja misti pergi sendiri sadja ka perdjamoeannja hertog de Brociano, hanja brangkali djoega saja misti poelang sendiri sadja ka Florencie.“

— »Saja bilang padamoe, bahoewa djikaloe itoe nona eilok ada beradat manis, sedikitnya poen saja nanti tinggal di kota ini anem dominggoe. Saja senang di kota ini, dan lagi saja soeka tjari taoe perkara-perkara koeno jang memang ada banjak di ini kota jang toewa.“

Di itoe waktoe datanglah boedjang membri taoe, bahoewa makanan telah sadia, hingga Albert dan Franz lantas berbangkit aken pergi berdoedoek makan dan minoem, dengan niatan aken mengomong lagi, pada sasoedah santap.

Tapi baroe sadja seleseh marika itoe makan-

minoem, boedjang datang bri taoe, bahoewa graaf de Monte-Cristo minta bertemoe.

Ini graaf ada dapat kabar, bahoewa Franz dan Albert maoe sewa satoe rowangan di roemah komedi Argentina, tapi tida dapat, kerna samoewa rowangan telah tersewa; sebab itoelah graaf ini datang membawa koentji rowanganja kapada doewa sobatnya itoe.

Franz dan Albert meminta maaf dan maoe tam-pik koentji itoe, oleh kerna ia orang rasa, jang graaf itoe sendiri perloe pake itoe rowangan; tapi graaf lantas bri taoe padanja, jang pada sore itoe ia tida nanti menonton di Argentina, hanja nanti menonton di roemah komedi Valle, dan ia poenja rowangan di Argentina nanti tinggal kosong, kaloe Franz dan Albert tida pake itoe. Sebab bagi toe, djadilah Franz dan Albert trima djoega itoe koentji.

Di waktoe sore ia orang datang di roemah komedi, tapi sabagimana biasa orang-orang di Itiae, boekan aken menonton, hanja aken bertemoe dan mengomong omong sama kenalan.

Gravin G. . . maoe bitjara lagi dari hal graaf de Monte-Cristo; tapi Franz lantas bri taoe adanja satoe perkara baroe, jang gravin itoe belon taoe; komoedian lantas sadja Franz itoe tjeritaken halnja Albert sama si nona eilok, jang belon kataoean siapa adanja.

Dari sebab, toeroet katanja orang, perkara ba-

gitoe memang sering terjadi di Italie, gravin itoe poen pertjaja adanja hal itoe dan lantas djoega membri slamat pada Albert jang telah dapat »djantoeng batî.“

Tempo maoe berpisah, gravin itoe berdjandji pada Franz dan Albert aken bertemoe satoe sama lain di perdjamoeannja hertog di Braciano.

Itoe nona katjintaannja Albert ada memegang djandji bagimana ada terseboet di dalam soeratinja kerna di dalam doewa hari lamanja ia tida kali hatan.

Achir-akhir datanglah hari Slasa, iaitoe hari pengabisan dari itoe karajaän bertopeng. Di itoe hari ada rame sekali, kerna segala orang jang belen toeroet berseuka-soeka di karajaän itoe, dari sebab tida ada tempo atawa tida ada oewang, toewa dan moeda datang di itoe karajaän, saling timpoek satoe sama lain sambil bersoerak-soerak dan tertawa, dan kendati poen bagimana riboetnja djoega kala-koean marika itoe samoewa, tida sekali ada terbit karoesechan, sabagimana jang sering terjadi di antara bangsa lain, pada waktoe ada karamean.

Albert ada lengketken sapotong pita dadee pada poendak sendiri, sabagimana telah dipinta oleh itoe nona jang menjejerat kapadanja.

Semingkin sore, ada djadi semingkin rame Soewaranja orang ada terdengar seperti goemoë-roehnja hoedjan deras, sedang kembang-kembang, telor-telor berisi tepoeng, boewah-boewah ketjil dan

kembang goela ada melajang meseraboeutan dilimparkan oleh orang kepada orang.

Pada poekoel tiga ada terdengar boeninja mariam mariam jang bri taoe pada samoewa orang, bahoewa soedah datang tempo aken perlombaän koeda.

Di itoe waktoe djoega sekalian kandaraän sigra berlaloe dari djalanan karajaän, dan sekalian manoesia jang ada di ljalanan itoe, pergi mendesak ka depan roemah-roemah orang dan berdiam di sitoe, soepaja djalanan tinggal terboeka. Sigra djoega orang dapat lihat sakawan soldadoe jang djalan dengan berkoeda dari oedjoeng djalanan sampe ka lain oedjoeng; komoedian terdengarlah poela boenji mariam, iaitoe aken britaoe, bahoewa djalanan karajaän itoe telah kosong sapandjangnya.

Ampir di itoe waktoe djoega kalihatanlah toe, djoeh atawa delapan koeda jang berlari keras sekali dengan disoeraki oleh sekalian penonton ratoesan riboe orang banjarkna; laloe sigralah djoega kadengaran boeninja tiga mariam, jang britaoe pada samoewa orang, bahoewa koeda nomor tiga jang menang di perlombaän itoe.

Sahabisnya itoe boenji mariam, sekalian kandaraän jang tadi pergi menjingkir, demikianlah djoega sekalian manoesia jang telah minggir, datang kom bali bersama-sama ka itoe djalanan karajaän, hingga di dalam sasaät sadja djalanan itoe telah menjadi penoeh kombali dengan roepa-roepa kandaraän dan

orang, dan di antara orang-orang ini adalah banjak sekali jang mendjoewal lilin.

Sekalian pendjoewal itoe triak-triak menawarkan dagangannya, dan dagangan itoe lakoe sekali, kerna sañoewa orang jang ada di karajaän, membeli itoe aken dipasang sebentar, kaloe mata-hari soedah silam: di itoe waktoe poen samoewa orang nanti berdjalan dengan membawa lilin berapi, dan sambil berdjalan moendar-mandir, ia-orang nanti saling padamken apinja lilin: masing-masing tida maoe kasih apinja dipadamken orang, tapi masing-masing maoe padamken lain orang poenja api.

Satelah mata-hari soedah silam, tida kadengaran lagi soewaranja toekang-toekang lilin jang beriboe riboe banjaknya, dan sigralah djoega sekalian orang soedah pasang lilinnja, hingga di saantero djalanan karajaän itoe djadi terang seperti siang. Sedang bagitoe, rioeh sekali kadengaran soewara tertawanya dan soeraknja orang, dan di sana-sini kalihatan orang-orang jang tioep lain orang poenja api dan jang pasang kombali lilinnja, hingga adalah djoega jang merampas orang poenja lilin, soepaja orang ini terpaksa merampas djoega lilinnja orang.

Ini hal memain dengan saling padamken apinja lilin ada dilakoeken ampir doeua djam lamanja. Ampir pada saban lima minut satoe kali Albert mengaloewarkan horlodji aken melihat waktoe; achir-achir djaroenja horlodji itoe mengendoek waktoe poekoel toedjoeh. Di itoe waktoe Albert

melompat toeroen dari dalam kareta, hingga Franz tinggal sendiri di dalam kendaraan itoe.

Sedang Albert berjalan, adalah beberapa orang jang hendak tioep Albert itoe poenja api atawa rampas liliannya; akan tetapi siapa djoega mendekati dengan bermaksoed bagi itoe, tida dapat ia mengganggroe pada Albert, kerena Albert ini sigra toelak padanja itoe.

Albert djalan menoedjoe ka geredja San-Giacomo dan Franz melihat padanja itoe dari kadjaohan. Di waktoe Albert sampe ka tangganja geredja itoe, ia dihamperi oleh satoe nona jang berpake tjara prampoewan desa, dan nona ini ambil Albert itoe poenja lilin, dengan tida sekali tertjegah oleh Albert. Komoedian Franz lihat jang sobatnya berjalan dengan pegangan tangan sama nona itoe, tapi sigralah djoega Albert dan nona itoe soedah tiada kalihatan lagi.

Dengan terkoenjoeng-koenjoeng berboenjilah lonjteng akan bri taoe, bahowea hal karajaan telah sampe pada achirnya, dan di itoe saat djoega se-kalian api lilin djadi padam bersama-sama, hingga di djalan karajaan itoe djadi gelap.

Soewara jang rioeh poen berenti dengan terkoenjoeng-koenjoeng. Tida lain jang kadengaran, hanja melinken boeninja kendaraan-kendaraan jang djalan poelang; tida lain jang kalihatan terang, melinken sedikit api di sana-sini jang bergomilang di dalam roemah-roemah dan kalihatan dari djendela-djendela.

XL.

LOBANG GOWA.

Sigra djoega Franz soedah poelang ka hotel »London."

Barang makanan telah teratoer di atas medja, dan dari sebab Albert soedah bilang, jang ia tida nanti poelang siang-siang, Franz berdoeck makan-minoem sendiri. Toewan Pastrini melihat itoe, lantas djoega menanjaken, mengapa Albert tida ada sama-sama Franz itoe; tapi Franz berkata sadja pada itoe toewan roemah, bahowea dari sebab Albert telah dapat oendangan orang, ia tantoe soedah pergi ka roemahnja pengoe ndang.

Franz telah berniat akan menoeng oe poelangna Albert boewat pergi bersama-sama ka perdjamoeannja hertog de Braciano; maka ia pesan djangan orang sadia kareta akan dia, kaloe belon poekoel sabelas; pada Pastrini ia pesan, soepa a orang lantas mengabarken padanja, kaloe Albert datang. Sampe poekoel sabelas, belon djoega Albert kalihatan; sebab itoe djadilah ia berangkat sendirian sadja, sasoedahnja bri taoe pada Pastrini, jang ia nanti tinggal antero malam di astananja hertog de Braciano.

Astananja hertog itoe bagoes sekali, dan istri nya bisa sekali merawati roemah-tangga.

Tempo Franz sampe di astananja itoe hertog, toewan bangsawan itoe poen menanjaken, mengapa Albert tida datang sama-sama. Franz menjahet, jang ia telah terpisah dari sobatnya itoe pada waktoe sekalian lilin di karajaän dipadamken.

»Kaloe bagitoe, ia belon poelang dari tampat karajaän tadi?» kata itoe hertog.

»Saja soedah toenggoe dia sampe di ini waktoe, tapi belon djoega ia kalihatan,» sahoet Franz.

»Apa kaoe taoe, ka mana ia pergi?»

»Tida; saja tida taoe dengan betoel; saja rasa sadja, jang ia pergi bertemoe pada satoe nona.»

»Ach! di ini malam ada banjak bahaja aken orang jang pergi dari roemah; boekankah bagitoe, Njonja gravin?»

Omongan itoe dikataken pada gravin G jang baroe datang dengan terpimpin oleh toewan Torlonia, soedaranja hertog.

»Saja rasa,» sahoet gravin itoe: »malam ini ada baik sekali; dan siapa jang ada di sini, nanti merasa koerang enak, dari sebab sang malam lekas berlaloe.»

»Saja tida bitjara dari hal orang-orang jang ada di sini,» kata poela itoe hertog dengan tersenjoem: »siapa ada di sini, ia tida terantjam oleh bahaja, katoewali (iaitoe orang-orang lelaki) kena ditarik hatinja oleh kaeilokanmoe, sedang orang-orang prampoewan boleh dapat sakit, dari sebab ingin

berparas seperti kaoe; tapi saja ada bitjara dari hal orang-orang jang ada di djalanan di dalam kota ini.»

—»Hala! siapatah nanti ada di djalanan pada waktoe bagini, kaloe boekan boewat datang di perdjamoean?»

»Kita poenja sobat Albert de Morcerf, Njonja!» sahoet Franz: »saja telah terpisah dari padanja pada waktoe poekoel toedjoeh, sedang ia pergi hamperi ia poenja nona jang belon terkenal; sampe sekarang saja belon melihat lagi padanja.»

—»Bagitoe? dan kaoe tida taoe ia ada di mana?»

—»Tida sekali!»

—»Apa ia ada bawa sindjata?»

—»Ia belon lepaskan ia poenja pakean jang ia pake di karajaän.»

—»Libih baik, kaloe kaoe soedah tida kasih ia pergi. Mengapatah kaoe tida menjegah, sedang kaoe ada kenal Rome lebih baik dari padanja?»

—»Sebab ada lebih gampang tahan ladjoenja itoe koeda no. 3 jang menang di perlombaän, dari pada tjegehken Albert berangkat pergi. Tapi apa-tah djoega kaoe koewatirken aken dia itoe?»

—»Siapa taoe? malam ini ada gelap sekali, dan kali Tiber tida djaoeh dari itoe tampat, di mana kaoe terpisah dari Albert.»

Franz djadi kaget, oleh kerna dengar omongan itoe dan beringat pada adanja bahaja di kota Rome.

—»Sebab itoelah saja soedah bri taoe pada Pas-trini, jang saja aken tinggal di sini autero malain,

Toewan hertog!" kata Franz: »dan saja soedah pesan, soepaja orang nanti lantas kabari saja, kaloe Albert soedah poelang."

»Lihatlah!" kata itoe hertog: »itoe satoe boedjangkoe mendatangi ka sini; saja rasa, ia tjari padamoe, sobat!"

Tida salah doegaännya hertog itoe; kerna satelah itoe boedjang dapat lihat pada Franz, lantas djoega ia mengamperi.

»Toewankoe!" kata boedjang itoe pada Franz: »toewan jang poenja hotel »London" membri taoe, bahoewa ada saorang hendak bertemoe pada toewankoe dengan membawa satoe soerat dari graaf de Morcerf."

»Dengan bawa satoe soerat dari itoe graaf!" kata Franz.

— »Ja."

— »Siapalah orang itoe?"

— »Saja tida kenal padanja itoe."

— »Mengapa ia tida bawa soerat itoe padakoe di sini?"

— »Itoe orang jang membawa kabar, tida se kali ada kasih keterangan aken hal itoe."

— »Mana itoe orang jang bawa kabar?"

— »Tempo ia lihat saja masoek, aken sampeken kabar pada toewankoe, ia lantas berdjalanan pergi."

»Ach, baiklah sigra kaoe pergi trimi itoe soerat," kata gravin G...: »brangkali djoega sobatmoe ada dapat katjilakaän."

»Saja berangkat sekarang djoega," kata Franz.

— »Apa kaoe nanti datang kombali aken mem bri kabar pada kita orang di sini?"

— »Ja, djikaloe tida ada perkara djelek; kaloe ada perkara bagitoe, saja belon taoe, apa saja nanti bikin."

— »Saja bri ingat padamoe, kendati di dalam hal apa poen, biarlah kaoe berati-ati"

— »O, djangan koewatir."

Habis bilang bagitoe, lantas sadja Franz mengambil topi dan teroes berdjalanan dengan sigra. Ia poenja kreta soedah tida ada di dekat astanaja hertog, kerna ia sendiri soedah soeroeh itoe berdjalanan poelang, dengan bri pesanan pada koesir aken datang kombali di wakoe poekoel doewa. Aken tetapi astanaja hertog itoe tida sabrappa djaoehnja dari hotel »London"

Tempo Franz soedah datang dekat pada hotel itoe, ia dapat lihat saorang lelaki jang berdiri di tengah djalan, dan lantas sadja ia mendoega, bahoewa tentoelah djoega orang itoe soeroehan Albert adan'a. Sebab bagitoe, ia hamperi lelaki itoe; aken tetapi satelah didekati, lelaki itoe lantas moendoer satindak, salakoe orang jang ada berati-ati, dan lantas berkata pada Franz: »Apatah ka-hendakmoe, Toewan?"

»Boekankah kaoe jang membawa soerat boewat akoe dari burggraaf de Morcerf?" kata Franz.

»Toewankah sobatnya graaf itoe jang tinggal di ini hotel London?"

— „Ja.”

— „Apatah nama toewankoe?”

— „Baron Franz d'Apinay.”

— „Kaloe bagitoe, benarlah soerat ini boewat toewankoe.”

— „Apa kaeo misti bawah kabar balasan djoega?”

— „Ja; bagitoelah jang terharap oleh sobat toewankoe.”

— „Marilah toeroet padakoe; akoe nanti kasih soerat balasan.”

— „Saja lebih soeka tinggal menoenggoe sadja di sini.”

— „Mengapa?”

— „Toewan nanti dapat sebabnya itoe, kaloe soedah membatja ini soerat.”

— „Akoe nanti dapatken kombali kaeo di sini?”

— „Ja.”

Franz lantas berjalan masoek dan bertemoe pada Pastrini di depan pintoe.

„Apa toewan soedah berteenoe sama itoe orang jang bawa soerat dari sobat toewankoe?” kata Pastrini.

„Ja, akoe soedah bertemoe sama dia, dan ia kasih padakoe soerat ini,” sahoet Franz: „Soeroeh orang bawa api dalam kamarkoe, kaloe soeka.”

Pastrini soeroeh satoe boedjang pasang lili'n di kamarnja Franz, dan dari sebab Franz melihat Pastrini ada salakoe orang merasa koewatir, djadi-
lah ia merasa ingin sigra menbatja soeratnya Albert.

Soerat itoe tertaelis dan tertanda oleh Albert sendiri. Franz batja boenjinja soerat itoe sampe doewai kali dari sebab sabelonnja membatja, ia tida sekaj sangka jang soerat itoe nanti ada bagitoe boenjinja.

Démikian boenjinja soerat itoe:

„Sobatkoe! Kaloe kaeo soedah trima soeratkoe ini, saja harap kaeo toeloeng ambil saja poenja soerat boewat trima oewang; soerat itoe tersimpan di dalam dompet soerat-soerat di latji ka-ampat dari medja-toelis; saände banjaknja oewang jang boleh dapat ditrima dengan itoe soerat, tida ada sabagima-na jang perlue, tambahilah oewang itoe dengan oe-wangmoe. Biar lantas kaeo pergi ambil oewangkoe dan briken ampat riboe piaster pada orang jang bawa soerat ini. Perlue sekali saja lantas d'kirim ini oewang. Traoesah saja terangken sebabnya ka-i perluean itoe; saja harap sadja toeloenganmoe, seperti kaeo sendiri boleh harap toeloengankoe.

Sekarang saja pertjaja adanja begal di ini negri.

Sobatmoe,

Albert de Morcerf”

Di bawah toelisannya Albert itoe ada sedikit toelisan jang tertaelis oleh lain tangan di dalam bahasa Italië; boenjinja ini sedikit toelisan, bagini:

„Kaloe pada ini pagi poekoel anem itoe ampat riboe piaster tida datang kapadakoe, maka di wak-toe poekoel toedjoeh graaf Albert de Morcerf nanti berenti hidoeep.

„Liugi Vampa.”

Itoe tanda tangan jang kadoewa ada terangken segala perkara kapada Franz, jang lantas djoega mengarti, mengapa itoe orang jang bawa soerat, tida maoe toeroet m asoek ka dalam roemah. Albert ada terdjatoh ka dalam tangannja itoe kapala begal jang tersohor.

Tida boleh ajal-ajalan. Maka lantaslah djoega itoe Franz pergi ambil itoe soerat oewang jang terseboet di dalam soeratnya Albert. Soerat itoe ada berharga anem riboe piaster, tapi dari in; anem riboe soedah terpake tigariboe.

Franz sendiri tida ada poenja soerat oewang; djoega dari sebab ia beroemah di Floreneie dan berniat aken tinggal di Rome lima atawa anem hari sadja, ia tida bawa banjak oewang, hingga sekarang ia melinken ada poenja lagi beberapa ratoes piaster sadja di dalam sakoe

Boewat tjoekoepin ampatriboe piaster, ada koe-rang anem atawa toedjoeh ratoes piaster lagi. Boleh sekali Franz minta toeloengannya toewan Torlonia, pada siapa ia misti trima oewang aken Albert poenja soerat oewang; tapi di waktoe ia maoe berangkat balik kombali ka astananja hertog, ia dapat ngatan lain. Ia beringat pada graaf de Monte-Cristo, dan sedang ia maoe soeroeh orang panggil toewan Pastrini, toewan ini telah datang sendiri.

»Toewan Pastrini," kata Franz: »apa kaeo taoe, kaloe sekarang graaf de Monte-Cristo ada di roemah?"

»Ja, Toewankoe!" sahoet Pastrini: »graaf itoe ada di roemah: ia baroe poelang."

— »Apa kaeo kira, ia soedah masoek ka kamar tidoer?"

— »Saja rasa belon."

— »Tjobalah kaeo toeloeng tanja, kaloe sekarang ia soeka trima koe datang ka hadepannja."

Toewan Pastrini lantas berlaloe, dan sigra djoega ia datang kombali.

»Toewan graaf menoenggoe toewan datang," kata Pastrini itoe pada Franz.

Franz lantas berangkat, laloe satoe boedjang antarken ia masoek ka dalam satoe kamar-toelis, di mana graaf ada berdoedoek.

»Angin apatah memimpin kaeo datang padakoe di waktoe ini?" kata graaf itoe dengan tersenjoem kepada Franz: »Apa kaeo hendak oendang saja makan dan minoem di waktoe malam?"

»Boekan," sahoet Franz: »hanja saja datang aken bitjara dari hal perkara djelek."

— »Dari hal perkara djelek? Perkara apatah itoe?"

— »Apa sekarang kita ada berdoewa sadja?"

Graaf itoe pergi hamperi pintoe, laloe balik kombali dengan berkata: »Ja, kita ada berdoewa sadja."

Franz lantas kaloewarken seeratnya Albert dan kasilken itoe kapada graaf.

Sasoedah graaf itoe batja itoe soerat, Franz ber-

kata kombali: »Apa kaoe soedah batja djoega itoe toelisan jang di bawah?»

»Ja, saja soedah batja itoe. Kaloe di ini pagi poekkoel anam, itoe ampatriboe piaster tida datang pada Luigi Vampa, di poekkoel toedjoeh graaf Albert de Morcerf nanti diboenoeh.»

»Bagimana pikirmoe atas hal itoe?» kata poela Franz pada itoe graaf.

»Apa kaoe ada poenja sadia itoe oewang jang dipinta?» sahoet graaf itoe.

— »Ja, tapi ada koerang delapan ratoes piaster. Graaf itoe lantas berlaloe, dan sigra djoega ia datang kombali dengan membawa sagoeloeng oe-wang mas.

»Saja harep,» katanja pada Franz: »kaoe tida nanti pergi kapada orang lain aken dapatken itoe oewang; kerna di sini ada sadia itoe.»

»Kaoe lihat sendiri jang saja soedah teroes sa-dja datang padamoe,» kata Franz.

— »Dan saja senang hati oleh kerna itoe; ambillah oewang ini.»

— »Apa perloe kita kasihken pada Luigi Vampa, itoe oewang jang dipinta olehnya?»

— »Adoeh! pikirlah sendiri. Toelisannja Luigi di bawah soerat sobatmoe ada terang sekali boeninja.»

— »Saja rasa, kaloe kaoe tjoba pikir sedikit, brangkali ada djoega satoe djalan boewat berdami.»

— »Djalan manatah nanti boleh dipake aken hal itoe?»

— »Kaloe kita bersama-sama pergi pada itoe Luigi Vampa, saja rasa, tantoe sekali ia nanti le-pasken Albert.»

— »He! apa kaoe kira, saja ini ada berkoewasa di afas itoe begal?»

— »Boekankah kaoe soedah taoe membre pada-nja itoe satoe toeloengan besar?»

— »Toeloengan apa?»

— »Tidakah kaoe soedah lepasken Peppino dari bahaja kamalian?»

— »O! siapatah soedah bilang padamoe bagitoe?»

— »Itoelah tida perloe saja bilang padamoe; saja ada taoe dengan terang adanja toeloengaunmoe itoe.»

Itoe graaf berdiam sakoetika sambil kisoetken djudat. Komoedian ia berkata :

»Kaloe saja pergi pada Luigi, apa kaoe nanti toeroet?»

»Ja, kaloe kaoe soeka diëkoeti olehkoe,» sahoet Franz.

— »Kaloe bagitee, baiklah; langit ada terang sekali; dengan berdjalan di paloewaran Rome, kita poen dapat hawa segar.»

— »Apa kita misti bawa sendjata?»

— »Boewat apa?»

— »Tapi toch membawa doewit?»

— »Tida perloe; di manatah adanja sekarang itoe orang jang telah bawa soerat kapadamoe?»

— »Di djalan...

— »Ia menoenggoe penjahoetan?“

— »Ja!“

— »Kita misti taoe doeloe, ka mana kita-orang misti pergi; sebab itoe, saja maoe panggil itoe orang ka sini.“

— »Pertjoemah, kerna ia tida nanti maoe datang ka sini.“

— »Boewat datang padamoe, brangkali djoega ia tida maoe; tapi boewat datang padakoe, ia tida nanti takoet.“

Habis bilang bagitoe, itoe graaf mengamperi pada satoe djendela jang menemboes ka djalan-an, laloe ia bersoewit sedikit, tapi dengan njaring. Itoe orang jang ada menoenggoe di djalan-an, lantas datang mengamperi sedikit.

»Mari!“ kata itoe graaf pada itoe orang, dan di itoe waktoe djoega orang itoe lantas berdjalan dengan boeroe-boeroe masoek ka dalam hotel. Se-bentar lagi ia soedah berdiri di pintoe kamar di hadepan graaf de Monte-Cristo.

»Ha! kaoe sendiri, Peppino!“ kata itoe graaf.

Peppino tida menjahoet, hanja lantas berloetoet dan tjioemi tangannja graaf.

»Ha!“ kata poela itoe graaf: »kaoe belon loepa, jang akoe telah lepasken kaoe dari binasa, sedang hal itoe soedah berlaloe delapan hari!“

»Tida, Toewankoe!“ sahoet Peppino: »salamanja poen saja tida nanti bisa loepaken hal itoe.“

— »Salamanja poen? Hola! itoe lama sekali! Tapi bangoenlah dan sahoeti pertanjaänkoe.“

Peppino melirik kapada Franz.

»Ol“ kata graaf pada Peppino itoe: »di depan Toewan ini jang ada djadi sobatkoe, kaoe boleh bitjara dengan senang.“

»Biarlah kaoe bitjara sadja,“ kata Franz pada Peppino: »akoe ini ada teritoeng pada sobat-sobat-nja Toewan graaf ini.“

Peppino memanggo et, laloe berkata pada graaf: »Toewankoe boleh menanja, dan saja nanti menjahoet.“

»Tjara bagimanatah itoe graaf Albert soedah terdijatoh ka dalam tangan Luigi?“ kata itoe graaf de Monte-Cristo.

»Toewankoe!“ sahoet Peppino: »karetanja itoe graaf ada bertemoe bebrapa kali sama karetanja Teresa.“

»Teresa katjintaänja Luigi?“

— »Ja; itoe graaf merasa soeka pada Teresa, dan Teresa bersoeka-soeka dengan melaga tjinta pada graaf itoe. Itoe graaf limparken boenga ga-boengan pada Teresa, dan Teresa limparken djoega boenga gaboengan pada graaf itoe. Tida perloe saja seboet lagi, bahoewa Teresa berboewat bagitoe dengan idsinnja Luigi, jang ada doedoek bersama-sama Teresa di dalam kareta.“

»Apa kaoe bilang?“ kata Franz: »Luigi Vampa ada di dalam karetanja itoe nona-nona desa?“

»Ia menjaroë djadi koesir dan bawa itoe kare-ta,“ sahoet Peppino.

»Komoedian?" kata poela graaf de Monte-Cristo.
 »Komoedian itoe graaf Albert lepaskan topeng nja sendiri," sahoet Peppino: »Teresa poen, deugen idsinnja Luigi, melepaskan topengnya. Itoe graaf minta bertemoe; Teresa trima permintaan itoe; tapi boekanlah Teresa, hanja Beppo jang menoenggoe di tangga geredja."

»Apa kaoe bilang?" kata poela Franz: »itoe prampoewan desa jang ambil graaf Albert poenja liliin, dia itoe si Beppo?"

»Ja," sahoet Peppino: »Beppo itoe poen satoe anak moeda jang tjakap, dan sobat toewankoe traoesah merasa maloe, kaloe kena terpedaja; orang lain poen banjak jang kena diaboein oleh Beppo itoe."

»Dan Beppo itoe soedah lantas adjak graaf Albert pergi ka loewar kota?" kata graaf de Monte-Cristo.

»Ja," sahoet Peppino: »satoe kareta ada menoenggoe di dekat itoe geredja; Beppo naek ka dalam itoe kareta dan silaken graaf Albert naek sama-sama; graaf ini traoesah disilaken doewa kali, kerna lantas sadja ia naek dan berdoedoek di dampingnya Beppo, jang lantas bri taoe padanya, jang ia-orang berdoewa nanti datang di satoe gedong, jang ada saperdjalan satoe djam djoeh-nja dari kota Rome. Tempo ia-orang soedah ada di tempat soenji di loewar kota, Beppo mengajoewarken doewa pistol dan toedjoeken itoe pada

dadanja itoe graaf; koesir kareta tahan djalannja koeda, laloe berbalik ka dalam kareta dan teedjoe-ken djoega moeloet pistol kapada graaf Albert. Di itoe waktoe djoega datanglah ampat kambrat kita, jang memang ada mengoempat di tampat itoe, mengamperi pada kareta. Graaf Albert hendak melawan, hingga telah menjekel djoega pada Beppo, tapi ia tida bisa melawan pada sekalian moesoehnja jang bersendjata; ia terpaksa akan menjerah dan toeroen dari kareta, laloe dengan berdjalan di pinggiran kali, orang bawa dia ka-pada Luigi dan Teresa jang menoenggoe di lobang gowa di St. Sebastiaän."

»Hola! saja rasa ada terbit satoe hikajat bagoes!" kata graaf kapada Franz: »Bagimana kaoe poenja rasa?"

»Saja rasa," sahoet Franz: »saja djoega maoe bilang ada hikajat bagoes, saände boekan Albert sendiri, hanja lain orang jang tertangkap oleh Luigi."

— »Ja, saände kaoe tida dapatken saja di sini, tantoeliah djoega ini perkara djelek nanti meroegi-ken sekali pada sobatmoe; tapi senangkenlah hatimoe: sobatmoe itoe nanti terlepas dengan baik; ia telah merasa kaget, tapi lain dari itoe tida ada karoegian lagi."

— »Tapi kita-orang maoe pergi dapatken dia itoe, boekan?"

— »Ja, lebih lagi dari sebab ia ada di satoe

tampat bagoes sekali. Apa kaoe soedah kenal itoe Gowa Sint-Sebastiaan?"

— »Tida: saja belon taoe sampe di sana; tapi saja telah ada niatan djoega aken tjoba pergi melihat itoe."

— »Sekaranglah ada tempo jang baik aken kaoe pergi ka sana. Apa kaoe ada pake karetamoe sendiri?"

— »Tida."

— »Tida mengapa; saja poen salamanja, di waktoe siang atawa malam, ada poenja satoe kareta jang sadia."

— »Sadia dengan soedah dipasangi koeda?"

— »Ja; kerna saja ini saorang jang sering dapat niatan dengan terkoenjoeng-koenjoeng. Tempo tempo, sedang saja baroe bangoen tidoer, atawa sedang ada di pembarangan pada tengah-malam, atawa sedang doedoek makan-minoem, saja dapat niatan aken pergi ka mana-mana."

Habis bilang bagitoe, graaf itoe boenijken kelenengan, dan satoe boedjang lantas datang padanja.

»Pergi ambil kareta," kata graaf itoe: »tapi tra-oesah bangoeni koesir. Si Ali nanti gantiin koesir itoe."

Soedah berselang sedikit lama, terdengarlah boenjinja kareta jang mendatangi dan berenti di depan pintoe.

Itoe graaf mengaloewarken horlodji.

»Poekoel satoe satengah," katanja: »kaloe kita

berangkat dari sini pada poekoel lima, itoe tida terlaloe siang; tapi djika kita ajal-ajalan, brangkali djoega sobatmoe nanti berhati soesah di dalam antero malam; maka baiklah djoega sigra kita lepaskan dia dari dalam kesoekaranja. Apa kaoe masih djoega maoe mengikot saja pergi?"

»Maoe betoel, lebih-lebih dari di lain tempo," sahoet Franz.

»Marilah kita berangkat."

Di itoe waktoe djoega graaf itoe lantas berangkat sama-sama Franz, dengan teriring oleh Peppino. Karetu soedah sadia di depan pintoe. Ali berdoedoek di tempat koesir, dan Franz kenali dia itoe seperti boedak hitam jang bisoe, jang doeloe ia taoe lihat di Monte-Cristo. Franz dan itoe graaf naik ka dalam kareta; Peppino berdoedoek di samping si Ali, dan kareta itoe lantas berangkat.

Ali telah dapat perintah misti djalanken kareta itoe ka mana, dan signalah djoega kareta itoe telah sampe ka pintoe St. Sebastiaan. Pengawal pintoe tida maoe kasih kareta itoe meliwat kaloewar, tapi graaf de Monte-Cristo kasih lihat satoe soerat dari gouverneur kota Rome, dengan apa graaf itoe ada di-idsinken aken kaloewar-inasoek di kota itoe dalam segala waktoe. Pintoe lantas dibokea, si pengawal dapat persen satoe oewang emas, dan kareta itoe lantas berdjalanan teroes.

Sebentar-bentara Franz dapat lihat di terangnja boelan, orang-orang jang kaloewar dari tampat

tampat soenji di pinggir djalan; tapi sekalian orang itoe, satelah dibri soewatoe tanda oleh Peppino, lantas sadja mengilang kombali ka tampatnja menempoempat. Sasoedahnja djalan lama sedikit, kareta itoe berenti, Peppino boekaken pintoenja kandaraan itoe dan graaf serta Franz lantas kaloewar dari itoe kareta.

»Di dalam tempo sapoeloeh minut lagi, kita nanti sampe ka tampatnja Luigi," kata itoe graaf.

Sahabis bilang bagitoe, graaf itoe membri parintah dengan berbisik pada Peppino, jang lantas berdjalan pergi dengan membawa obor menjalah. Di dalam bebrapa minut lamanja Franz lihat Peppino itoe berdjalan di satoe djalanan ketjil jang memboelat-belot di tumpat tiada rata. Achir-achir Peppino itoe tida kalihatan lagi.

»Sekarang biarlah kita djalan ikoeti itoe Peppino,' kata graaf, jang lantas djoega berdjalan sama-sama Franz di itoe djalanan ketjil.

Sasoedah djalan bebrapa ratoes lengkah, marika sampe pada satoe lapangan ketjil, di mana ia-orang dapat lihat doewa orang jang berkata-kata di tumpat goeram.

Komoedian graaf itoe berkata: »Sekarang mari lah kita berdjalan teroes; Peppino soedah bri taoe pada pengawal-pangawal di sini, bahoewa kita mendatangi."

Dengan sabenarnja djoega satoe dari orang berdoewa itoe Peppino adanja; orang jang lain itoe,

saorang dari kawanan begal dan ada mengawal di itoe tumpat.

»Toewankoe!" kata Peppino pada graaf jang telah datang dekat padanja: »kaloe sekarang toe-wankoe hendak ikoeti saja, moeloetuja gowa ada dekat di sini."

Itoe graaf memanggoet, dan Peppino lantas berdjalan doeloeän.

Sasoedah meliwat di satoe hoetan ketjil jang lebat, dan datang ka antara boekit-boekit karang, graaf dan Franz dapat lihat satoe lobang ketjil. Peppino masoek ka lobang itoe; tapi satelah ia soedah ada di dalam, itoe lobang djadi terboeka lebih besar.

Graaf lantas masoek ka lobangitoe, laloe Franz mengikoeti padanja. Djalanan di dalamna lobang itoe ada sedikit moedoen dan ada sempit, dan tempo-tempo graaf dan Franz dan Peppino itoe terpaksa djalan dengan berbongkok. Sasoedah djalan bebrapa poeloeh lengkah, marika dengar soewara orang jang berkata: »Siapa ini?" Dan di itoe waktoe marika dapat lihat djoega besinja sinapan jang berkilap di sinar api.

»Satoe sobat!" sahoet Peppino pada itoe orang jang menanja, jaitoelah satoe pengawal.

Komoedian Peppino itoe mengomong sedikit dengan berbisik di koepingnya pengawal itoe, jang lantas memanggoet dengan hormat kapada graaf dan Franz, dan membri satoe tanda jang marika

ini boleh berdjal'n teroes. Di belakang itoe pengawal ada satoe tangga jang doewapoeloeh lebih tingkatannja. Graaf dan Franz mandjat di tangga itoe, sedang Peppino telah mandjat doeloean, laloe ia-orang sampe ka dalam satoe gowa.

Di dalam itoe gowa ada kalihatan lima moeloet gang jang meneroes ka sana sini; lain dari itoe ada kalihatan beberapa lobang tjetek, dan pada satoe dari lobang-lobang ini, kaloe pada siang hari, ada kalihatan sedikit sinar terang jang goeram, jang djadi kanjataän, bahoewa lobang itoe ada rengatnya jang meneroes ka moeka boemi.

»Apa kaoe soeka lihat tampat tidoernja kawanau begal?" kata graaf kapada Franz.

»Tantoe sekali saja ingin lihat itoe," sahoet Franz.

— »Marilah toeroet padakoe! — Peppino! padamken itoe obor!

Peppino toeroet perintah itoe, hingga ia-orang djadi ada di dalam gelap-golita; tapi pada satoe tampat, jang kira kira ada lima poeloeh lengkah djaoehnja, ada kalihatan sedikit sinar merah, jang djadi kalihatan lebih njata lagi, pada waktoe Peppino soedah padamken apinja obor. Dengan berdiam itoe graaf berdjal'an di dalam gelap, dengan di-ikoeti oleh Franz, mengamperi pada sinar itoe. Sigralah djoega ia-orang telah sampe pada tepi satoe lobang gowa jang besar djoega. Di tengah-tengah gowa ini ada kalihatan ampat batoe

jang terkoempoel dekat satoe pada lain, hingga djadi seperti satoe bale atawa medja. Satoe lampoe jang berapi goeram ada menerangi di gowa itoe.

Saorang lelaki ada berdoedoek dengan membajta boekoe di itoe sinar api jang goeram. Orang itoelah Luigi Vampa, kapala kawanau begal. Di sapoetarnja ada kalihatan di sana-sini orang-orang jang rebah dengan berkerodong, dan di dekatnya masing-masing orang ini ada terletak satoe sinapan.

Di kadjaehan ada kalihatan lapat-lapat seperti bajangan di tampat goeram, satoe pengawal jang djalan moendar-mandir.

Sasoedah melihat itoe sakoetika lamanja, graaf de Monte-Cristo gojangken tangan di hadepan Franz, laloe korek tangannja Franz, soepaja Franz mengikoeti padanja dengan tida bersoewara. Ia naik di satoe tangga jang tiga tingkatannja, laloe masoek ka itoe lobang gowa, di mana Luigi ada berdoedoek. Luigi itoe lagi membatja dengan enak, hingga ia tida dengar soewara kakinja itoe graaf jang mendatangi dari belakangnya.

»Siapa kaoe?" kata itoe pengawal jang moendar-mandir, tempo ia melihat orang di belakang Luigi.

Satelah dengar itoe soewara, Luigi lantas berbangkit dengan kaget dan mengaloewarken pistoel dari ikatan pinggang. Di itoe waktoe djoega sekalian orang jang rebah itoe, bangoen bersama-sama, dan beberapa poeloeh moeloet sinapan lantas

ditoedjoeken pada dadanja graaf de Monte-Cristo.

»Hola! sobatkoe Vampa!“ kata graaf itoe dengan senang: »akoe rasa, ada terlaloe banjak orang bergerak aken trima d.tangnja satoe sobat.“

»Lepaskan sindjatamoe!“ kata Luigi sambil melirik pada sekalian rahajatnja, dan mengangkat topi dari kapala sendiri. Komoedian ia memanggoet dengan hormat pada itoe graaf, dan berkata:

»Brilah maaf padakoe, Toewan graaf! tiada sekali saja sangka aken kadatangan toewankoe, hingga ampir saja tida kenali toewan.“

»Njatalah kaoe ini ada peloepaan sekali, Vampa!“ kata itoe graaf: »boekan sadja kaoe lekas loepa pada roepanja orang, hanja lekas djoega kaoe loepa pada djandjian.“

— »Djandjian apalah jang saja ada loepaen, Toewan?“

— »Boekankah ada djandjian, bahoewa boekan sadja dirikoe sendii, hanja sobat sobatkoe djoega nanti terpandang soetji olehnroe?“

— »Di dalam hal manatah saja ada melanggar djandjian itoe, Toewankoe?“

— »Di ini sore kaoe soedah tangkap dan bawa ka sini burggraaf Albert de Morcerf, ia itoelah saorang jang dijadi sobatkoe, saorang jang tinggal di dalam satoe hotel sama-sama akoe, saorang jang delapan hari lamanja ada djalan di karajaan dengan akoe poenja kareta; aken tetapi, tida loopoet kaoe soedah tangkap djoega dia itoe dan bawa ka sini,

dan soeroeh dia meneboes diri sendiri.“

Luigi lantas berbalik pada rahajatnja jang lantas djadi kaget dan bergenget Dengan moeka asam ia berkata pada marika itoe: »Mengapa angkaoe tida britaoe hal itoe kapadakoe? mengapa kaoe biarken akoe langgar djandjian di hadapan orang seperti Toewan graaf ini, jang ada pegang koewasa di atas kaslamatan kita samoewa? Demi Kristus! kaloe akoe dapat taoe, bahoewa saorang dari padamoe ada taoe, jang itoe lelaki moeda ada sobatnja Toewan graaf ini, tantoe sekali akoe soedah remoekken otakmoe dengan tangankoe sendiri.“

»Tah,“ kata graaf de Monte-Cristo pada Franz: »tidaksh saja berkata padamoe, bahoewa hal menangkap itoe telah terjadi dengan kaliroe?“

»Toewan boekan datang sendiri sadja!“ kata Luigi Vampa dengan tiada senang.

»Akoe datang sama sama orang jang dikirimi soerat, pada siapa akoe hendak njataken, bahoewa Luigi Vampa saorang jang pegang betoel djandjinja,“ sahoet graaf de Monte Cristo: »Di sini, Toewankoe!“ kata poela graaf itoe pada Franz: »inilah Luigi Vampa, jang nanti mengataken sendiri doeka-hatinja atas hal apa jang telah diperboewat olehnja dengan kaliroe.“

Franz mendekati, dan Luigi Vampa mengamperi dengan beberapa lengkah

»Slamat datang di antara kita orang. Toewankoe!“ kata Luigi kepada Franz: »Kaoe soedah dengar

apa jang Toewan graaf ini telah bilang, dan bagimana saa telah menjahoet; sekarang saja samboeng omongkoe itoe, bahoewa saja lebih soeka tida dapat itoe ampat riboe piaster, dari misti terjadi ini perkara sama sobatmoe."

»Tapi," kata Franz sambil melihat koeliling dengan koewatir: »manatah sobatkoe itoe? Akoe tida lihat dia."

»Dia toch tida dapat katjilakaän apa-apa?" kata graaf dengan kisoetken djidat.

»Dia ada di sana," kata Luigi sambil mengoen-djoek ka satoe tampat, di mana satoe pengawal ada djalan-djalan: »dan sekarang saja maoe kasih taoe padanja kalepasannja."

Habis bilang bagitoe, Luigi itoe berdalan ka itoe tampat jang dioendjoek olehnya. Franz dan graaf de Monte-Cristo mengikoeti padanu.

»Dia lagi apa?" kata Luigi pada si pengawal.

»Itoelah saja tida taoe, kapitein!" sahoet pengawal itoe: »soedah ada satoe djam saja tida dengar ia bergerak."

»Marilah, Toewankoe!" kata Luigi pada graaf.

Graaf dan Franz mengikoeti Luigi itoe mandjat di tangga jang anem atawa toedjoeh tingkatannya. Luigi boekaken satoe pintoe, laloe orang dapat lihat di sinar api Albert jang lagi tidoer di satoe podjok dengan berkerodong djoebah tebal.

»Hal!" kata graaf de Monte-Cristo: »ia tidoer dengan enak sekali! tida djahat aken satoe orang

jang pada poekoe toedjoeh misti mati ditembak."

Luigi melihat dengan heran pada itoe Albert jang tidoer; njata sekali jang ia hargai besar katetapin hatinya Albert itoe.

»Benar sekali katamoe, Toewan graaf!" kata Luigi itoe: »saja lihat njata, jang orang ini satoe sobatmoe."

Komoedian ia mengamperi pada Albert dan gojangken sedikit tangannya lelaki itoe; sambil berkata: »Toewankoe, sedarlah!"

Albert mengoelet, koetjak mata dan melek.

»Huu! kaeo datang, kapitein?" kata Albert »lebih baik kaloe kaeo biarken akoe tidoer lagi sebentaran: akoe lagi mengimpi enak sekali: akoe mengimpi lagi menari sama gravin G. . . . di astananya Torlonia."

Sambil bilang bagitoe, ia kaloewarkan horlodji dan malihat waktoe.

»Masih tengah malam!" katanja: »he, meng-patah kaeo bangoenin akoe pada bagini waktoe?"

»Aken bri taoe padamoe, jang kaeo telah ter-lepas, Toewan!"

»Ach!" kata poela Albert: »moelai dari sekarang, biarlah kaeo ingat pada atoerannja Napoleon I, jang terseboet di dalam katanja jang demikian: *Djangan bangoenin kami, kaloe tida ada perkara djelek.* — Saände baroesan kaeo tida bangoenin akoe, tantoe akoe soedah menari teroes sampe pada achirnya lagoe. Apa orang soedah bajar

padamoe oewang peneboes, maka kaoe bilang akoe telah terlepas?"

»Tida, Toewan!»

— »Tida? kaloe bagitoe, bagimanatah akoe ini terlepas?»

— »Saorang jang permintaannja tida dapat ditampik olehkoe, soedah minta saja lepaskan kaoe."

— »Ja datang di sini aken lepaskan akoe?"

— »Ja."

— »He! itoe orang manis sekali!"

Sambil bilang bagitoe, Albert itoe melihat koe liling laloe dapat lihat Franz.

»Hola! kaoe sendiri, sobat, jang oendjoek ka-moerahan hati bagitoe besar padakoe?" kata Albert.

»Boekan saja, hanja kita poenja tetangga graaf de Monte Cristo," sahoet Franz.

»O, Toewan graaf!" kata Albert dengan girang : «soenggoeh-soenggoeh kaoe ini saorang baik sekali! saja harep, kaoe nanti pandang dirikoe ini seperti saorang jang beroetang salamanja kapadamoe; pertama aken perkara kareta, kadoewa aken perkara ini."

Sambil berkata bagitoe, ia sodorken tangannya kapada graaf, jang bergengetar sedikit di wak toe maoe samboeti tangan itoe: Albert itoe poen anak Mercedes.

Luigi memandang dengan heran pada Albert itoe. Luigi poen biasa lihat tangkapannya bergengetar;

tapi Albert ada kalihatan senang sadja.

Franz ada merasa girang, oleh kerna lihat lakoe-nja Albert jang demikian itoe.

»Sobatkoe Albert!" kata Franz itoe: »djika sekarang kita boeroe-boeroe berlaloe dari sini, boleh djoega kita datang di perdjamoeannja hertog de Braciano. Di sana kaoe boleh menari kombali sama gravin G. , hingga kaoe tida sekali nanti djadi ketjil hati pada Toewan Luigi ini, jang telah poetoesken tarimoe di impian, dan ada beri lakoe manis pada kita-orang."

»Hal benar sekali!" kata Albert: »sebentar poen kita boleh sampe di sana, Toewan Luigi! apa masih ada lagi apa-apa jang saja misti lakoeken, sabelon membri slamat tinggal padamoe?"

»Tida, Toewan! kaoe poen telah terlepas dari tangankoe," sahoet Luigi.

»Kaloe bagitoe," kata poela Albert: »slamat tinggal! Marilah Toewan-toewankoe, kita berangkat."

Di itoe wak toe djoega Albert itoe, dengan terikoet oleh Franz dan graaf, lantas djalan toeroen di tangga dan meliwat di lobang gowa jang ada di bawah tangga itoe. Sekalian begal ada berdiri dengan memegang topi.

»Peppino! marilah itoe obor!" kata Luigi.

»Kaoe maoe bikin apa?" kata graaf.

»Saja maoe antar toewankoe sampe di loewar, aken djadi sedikit tanda dari kahormatankoe pada-

moe," sahoet Luigi.

Sambil bilang bagitoe, Luigi itoe ambil obor dari tangannja Peppino, laloe djalan di depan se-kalian tetamoenja, tapi lakoenja boekan seperti satoe boedjang, hanja seperti satoe radja jang djalan di depan oetoesan radja lain. Tempo sampe di pintoe jang paling loewar, ia memanggoet kapada graaf, sambil berkata:

»Sekarang, Toewan graaf! kombali saja minta maaf, dan saja amat harap, jang toewankoe tida moerka lebih lama lagi atas apa jang telah djadi."

Tida sekali akoe goesar padamoe, Vampa!" sahoet graaf itoe: »djoega dengan lakoe manis kaoe telah perbaikken apa jang salah, hingga ampir orang misti bersoekoer, jang kaoe telah berboewat kasalahan itoe."

»Toewan-toewankoe!" kata poela Vampa pada Franz dan Albert: »brangkali djoega angkaoe tiada soeka sama oendangankoe; tapi kaloe angkaoe soeka datang kombali padakoe, di mana djoega dirikoe ada, saja soeka sekali menerima datangmoe.'

Franz dan Albert memanggoet. Graaf de Monte-Cristo kaloewar paling doeloe, komoedian baroelah Albert dan Franz.

Sasoedah sampe di loewar, Albert berbalik, dan sambil berkat4 »maaf, kapitein!" ia pasang tjerotoenja pada obor jang terpegang oleh Luigi Vampa.

Komoedian signalah djoega Albert, Franz dan

graaf de Monte-Cristo itoe datang pada djalanan, di mana kareta ada menoenggoe, dan signalah djoega ia-orang soedah sampe di astananja hertog de Braciano.

Tempo lihat datangnya Franz dan Albert, san moewa orang poen menengok pada marika itoe; tapi sebab marika datang bersama-sama, segala rasa koewatir aken nal Albert, lantas terhilang sadja.

»Njonja!" kata Albert sambil hamperi gravin G. . . : »kamarin kaoe berdjandji aken menari sama saja; sekarang, maski poen kabelakangan, saja datang djoega ake menari. Di sini ada sobat-koe jeng salamanja bitjara betoel; dia boleh bilang padamoe, jang kaloe saja soedah kabelakangan. itoelah terdjadi dari sebab ada halangan."

Dan dari sebab djoestoe di itoe waktoe muziek moelai diboenjiken kombali aken orang menari, Albert lantas sadja pelok pinggangnya gravin dan lantas berpoetar-poetar menari.

territory about parish 2000 feet above sea level abounding in granite boulders and coarse gravel also several areas with sandstone boulders in granite gravel. Numerous small streams flow through the valley and the larger ones have cut deep gullies through the sandstone bedrock. The larger streams have cut deep gullies through the sandstone bedrock.

The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock.

The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock.

The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock.

The larger streams have cut deep gullies through the sandstone bedrock. The larger streams have cut deep gullies through the sandstone bedrock. The larger streams have cut deep gullies through the sandstone bedrock.

The larger streams have cut deep gullies through the sandstone bedrock.

